



^ 16
2763
6



門 16
號 2763
卷 6

清江楊忠節公附錄目錄

卷上

楊文正公傳

南昌彭士望 躬菴

文正楊公傳

邑人鄒瑄 秋山

楊相國傳

無為州汪有典 訂頌

楊閣部傳

吳郡李瑤 子玉

讀楊文正公傳書後

邑人張天棟 葑房

楊劉萬殉贛紀事本末

青浦楊陸榮 采南


江右諸忠殉虔大節遺言

新喻簡宥

烈皇小識 六則

明季稗史

楊忠節公遺集 目錄



昭和十七年
三月十一日
購求

永曆野紀 上卷節錄

明季稗史

卷下

答楊伯祥太史書

漳浦 黃道周

與楊伯祥書

前人

與楊機部書

前人

送林衡者還閩序

崑山 吳偉業 梅村

跋楊機部先生書陳黃石序後

陳允衡

跋楊兼山先生序陳黃石書後

河南 周合樹

跋兼山先生遺墨後

邑人 楊懋田 雪帆

崇禎御書記

甯都州 魏禧

修楊文正公墓記

葉啟祥

謁楊閣部墓記

宋國昌

重修楊忠節公墓祀濂溪祠記

黃觀海

重修楊忠節公墓記

王藩

參軍行

華亭 宋徵輿 轅文

臨江參軍

吳偉業

伯祥太史講學明宗書院書此寄之兼示諸子

錢應華

楊翰林伯祥過邸中投贈

華亭 陳子龍 臥子

楊伯祥太史奉使册封蜀藩予遇之吳中作詩贈行

兼述舊懷也

前人

夢與楊伯祥同舟語時事時伯祥使蜀方歸

前人

人日寄贈楊機部太史充東宮講官

前人

戊寅除夕

前人

寄楊伯祥

前人

送楊伯祥還豫章

前人

寄懷楊機部太史時機部以漳浦之獄有連

前人

枯魚過河泣

前人

清江楊文正公死難贛州有營卒瘞南城外三里道

予求之數發土亡其故處

甯都州魏禧

拜楊文正公墓

有序

前人

喜小范孝廉至兼弔楊機部閣學

葉襄

清江相國楊伯祥先生以單兵堅守贛州城破死節

湖南

盧傳來

謁楊文正公墓

張玉楷

哭楊文正殉節詩

四首

建昌魏應桂

髯公

弔楊兼山老師

邑人黎騫

瀟雲

寄題清江楊先生祠

新城王士正

漁洋

入境臺感舊弔機部楊公次壁間王觀察登城十首

原韻

新建李湖

拜楊忠節墓詩

錢塘程綬

拜楊忠節墓并寄石瑤辰權守

侯官陳雲章秋河

楊忠節墓追次陳秋河刺史韻

嘉善郁鼎鐘彝齋

前題

程景暉

清水塘弔楊忠節

侯官陳雲章

前題

海鹽黃憲清

前題

錢塘李本仁

同時殉贛職官士民得諡入祠攷

附傳

保孤遺事

楊忠節公遺集卷七

清江楊忠節公遺集七卷

附錄卷上

楊文正公傳

恥躬堂集

南昌

彭士望

躬菴

楊廷麟字伯祥一字機部晚更自稱兼山清江人族最微
從未有為諸生者父起家崑山尉陞廣西丞署縣事有善
政祀名宦廷麟幼恢奇不羈年十四為諸生慶試高等猶
不為邑人所知見其文輒譁笑惟同里祝給事耀祖奇其
文屬子弟與共事辛酉恩選貢士諸同儕猶以虛廩撼持
之攫金乃已庚午舉南監鄉試辛未進士第二人與張溥
諸人文名一日譟天下及殿試大璫曹化純揚言上屬意

楊忠節公遺集卷七

林忠節公遺集 卷一
第二人書法文字將置第一甲麟絕不與通遂抑置二甲
改庶吉士解館授翰林院編修與閩漳黃道周交最善館
閣故事嚴三科禮如父行道周破成格晨夕過從同飽蔬
糲以學行相砥欲盡收天下廉才士共挽頽俗甲戌冊封
使蜀卻藩王有司萬金餽傳歸蕭然圖書數冊而已丁丑
會試同考得士最盛本年充經筵說書隨事規正上感動
有忠厚正直之臣之諭曹璫遇班行欲爲禮廷麟輒拱手
趨去益大忤同璫咸憤嫉之俄樞輔楊嗣昌奪情之事起
道周直諫響徹殿陛叩頭觸地冠錫然上頻怒終惜其清
操諭之出幾折檻不肯下廷麟繼疏辭益峻得嚴旨改兵

部職方司主事命監蜀輔劉宇亮軍宇亮稍凌折之麟持
故事不爲下又與西督孫傳廷忤宇亮旣入改麟贊畫隨
宣督盧象昇出關外象昇深相推重同卧起飲食麟騎頓
象昇每側卧讓安寢相得如兄弟麟差幹他出象昇戰敗
死之麟馳還購其屍爲親洗頸血與棺候命輦上將以同
敗脫逃中麟危法麟出原差幹文書月日在事先乃得薄
罰調外用回藉需次先是道周以諫忤謫江西藩幕未任
庚辰江撫解學龍疏薦地方官道周第一上大震怒並削
職特遣緹騎逮至京廷杖下詔獄太學生涂伸吉疏救激
切杖百下獄究主使并逮廷麟暨海內知名士十數人麟

慨然襜被就道時宜興周廸儒再起首相蒙殊遇以微言
解免道周等俱得戍道周謂戍道遇廷麟於南京淨海寺
各賦洗心詩十章爲別諸名士趨之如漢郭李之盛麟抵
京仍赴部獄徐得旨放還廸儒故王辛未會試甚重麟欲
引麟復翰林原官屬所知諭意麟曰還我舊職將復與經
筵進退必宜以道被罪人乃遂得官縱上不我鄙天下其
謂我何世有肆筵召客而束縛以來者乎一夕出春明次
蘆溝橋朝士始聞其去咸歎息比歸里聲望震天下益閑
肆於學以文行獎掖後進講學明宗書院中兼校射郡人
士鮮有不及門者時中原寇熾麟自行間歸知世必亂益

留意人才延攬豪俊雖筦庫盜賊方術駟僧亦虛己下之
造請無虛日食客常滿有無通共家絕糧恒乞貸給客或
有以拔十得五諷之擇交者麟歎曰沙中之金非亦汰可
得我姑受其愚以僞骨致眞駿拔百得一足矣敢十得五
耶士聞之日益進癸未獻賊偏師入吉安省大震臨江尤
切近郡且空麟集紳士議死守抗賊罕有應者麟獨與一
二門生居城中賊亦尋解去甲申麟移居會城五月聞國
變與同官吉水劉同升及省紳哭臨澹臺祠號慟幾絕議
措餉南都新立陞麟左中允左庶子麟不赴官而江輔姜
曰廣爲麟庚午座師初不附策立議爲同官馬士英所持

或爲蜚語中麟庇親弄兵畱連省會以遙應其師曰廣不
附策立之局並連同升及麟友彭士望等數人禍洶洶不
測士望促麟罷兵歸臨江麟枯槁行吟神形都悴每書札
輒自署兼山廷麟蓋意兼文謝兩山以死自決矣乙酉五
月南都陷 大清兵長驅入南昌省郡接降惟恐後無一
人敢撻鋒者廷麟長男城新歿次兒瑤僅六齡乃棄妻子
隻身入贛州趨贛撫李永茂起兵六月同升亦至相與痛
哭歃盟招集義師爲戰守備七月疏賀天興詔晉廷麟東
閣大學士禮部左侍郎督江廣勦撫事永茂同升各進官
有差八月 大清兵趨萬安界遣檄招降贛人惶惑麟爲

永茂畫策命標帥徐必達率粵將陳課童以振吳玉簡等
兵五千人持之相及於龍泉必達親督陣禪金賞級士大
呼殊死戰遂復吉安是捷爲江西第一諸將中怯而氣特
驕甚亦揚帆次贛州要求封爵語不遜永茂徒駭怒莫能
制且慮 大清兵乘其後時廷麟強起士望山中甫及贛
知爲必達舊交語永茂堅請望入必達軍中調和諸將諸
將始復還吉安營梅林扼江爲守戰輒勝吉舊帥胡長蔭
始得坐鎮郡城夾江防截冬十月廷麟上諸將功徧加陞
賞並進麟武英殿大學士太子少傅兵部尙書平江恢楚
便宜行事賜尙方劔召詣行在面對再疏懇辭不允丙戌

正月以萬元吉爲贛督兵部尙書元吉至吉安奉勅止廷
麟入直令專辨江楚事先庚辰間元吉以謫遷爲嗣昌贊
畫嗣昌遇之厚嗣昌歿元吉疏聞稱鞠躬盡瘁死而後已
其輔臣之謂攻嗣昌者遂目元吉爲死黨至形歌詩比之
爲中郎之歎又道周詣成過匡廬元吉往晤語不合道周
晨駕去元吉亦深啣之麟益與元吉忤互相詬誶元吉將
至麟先戒幕屬令義屬同袍決不敢以宿憾債公事及見
相持泣拜甚歡得人比之爲郭子儀李光弼以故士氣自
倍是月御史陳蓋督滇兵三千至蓋初賫重餉入滇練兵
至是來赴閱其器械紀律精銳無比自江西軍興來所僅

見麟閱之喜動顏色與蓋深相結厚其渠帥屢戰克捷而
粵兵久畱思歸忌滇兵功欲私鬪譁甚麟移滇兵屯隔岸
知粵俗信鬼以拜水爲重誓與蓋並舟中流冠帶盛服端
拱立舟次爲文誓水神令兩軍數萬人夾岸跪聽麟再拜
讀誓章詞旨峻烈意氣感愴兩軍皆投戈大呼稽首角崩
江水爲沸自是更相救如左右手 大清兵思一戰決去
方晨以生力兵衝吳玉簡營玉簡兵方飯 大清兵拔柵
竟進營大亂一騎繫馬柵門據案脫兜鍪食吳兵之食而
後去必達聯營呼兵救之倉猝不支達登舟自發大銃不
中乃大呼赴江從者救登舟刻許復自沉也陳重諸營一

時大譟殊死戰傍午滇兵歸自安福由神岡山迂路繞出敵背偃旗截殺眾駭顧曰滇兵至矣遂奔潰吉之守也滇粵兵隔江列營扼入贛孔道長蔭擁重兵城守犄角並援敵每不得爭上游窺吉長蔭固東海侯喬志慷慨亟圖恢復募兵多餉不能給閒鬻富人官足軍食且不善事督府元吉薄責之蔭大憤辭去元吉移鎮入城滇粵兵不滿二萬人不可分城守益弱麟元吉共議以步騎夾岸搜勦中流用巨筏載大砲直搗南昌遂移前軍次吉水麟元吉尙畱郡城 大清兵果趨城下乘虛躡之麟疾棹小艇乘漲下吉水追前軍還時南風勁麟泣拜反風諸軍飽帆兼步

騎一日抵郡與戰得勝諸將益驕樹棚堅守將以逸待勞三月麟復移鎮贛南盡以西事付元吉俄而永豐陷滇師復恃功以督府節制過嚴多齟齬兵志遂懈諸軍氣益老與 大清兵戰不勝元吉登陴堅守四月戰屢敗遂陷吉安元吉退保贛州先乙酉秋益國永甯王招撫粵寇閩總蕭陞等數萬人轉戰湖東屢戰得勝追至進賢屯撫州俟西師乘勝迸力取南昌威名頗盛朝議疑之或欲并取永甯以獻故東師孤立無後繼 大清兵乘閒攻陷撫州永甯被執 大清將王得仁再陷建昌麟東顧且慮敵從南路夾攻窺贛顧西師新敗不振無可用而粵寇前四營眾

數萬蹂躪贛旁邑肆屠掠悍鬪無禦者舊兵科都給事曾應
遴建議招撫麟亟稱善命應遴次男傅燦與副將劉天駟
分入四營布恩信招撫之疏薦應遴爲兵部右侍郎兼右
僉都御史督理新師傅燦爲職方司主事監其軍薦擢漳
南道劉廣允爲江撫以士望調和諸將下吉安功久不報
並薦分守湖東道監軍以監紀推官楊文琦等接運東餉
薦都督張琮掛先鋒將軍印制可勅四營爲龍武新營授
文武及新營領佐官各有差麟鼓勵新附趨甯都專事東
方行有日矣五月 大清兵攻贛急麟召諸將議曰贛爲
閩粵門戶贛失則大事危矣遂率新營及琮等水陸返援

贛與 大清兵戰於隔江琮先出斬數人新營兵繼進
大清兵分騎橫截矢發如雨新營兵每裸袒入陣死者甚
衆遂奔潰獨琮率死士力戰得免廣允被執傅燦擁親隨
數十人誓死扼茅店不去新營潰兵稍合麟招集散亡僅
能成軍七月移雩都爲贛聲援將整眾復進而近雩百里
內外新營縱掠淫殺無免者土著諸大猾潛入營教之要
餉挾官飾文具鼓吹羽蓋僭擬相君坐飽野掠竟不可制
麟恨薄以計散之令還粵僅率所部數百人入贛城爲死
守計元吉亦苦諸將兵驕悍戰既不勝而粵兵飽掠如新
營因與麟以大義鼓勵居人令結義勇編社甲人自爲戰

每開關踴躍奮進斬殺甚多久之雖婦人孺子亦磨槊制
挺有桓桓赴鬪之氣麟元吉大喜令諸文武分地乘城督
兵緹城出入更番戰守堅待援師事聞特勅獎勵賜郡名
忠誠旌其義九月元吉越弟職方六吉調狼兵數萬將次
南安聞水師羅亞夫敗一夕潰去滇粵兵亦漸解散城中
乏食麟賦壘粥詩見志兵科給事楊文薦吏部員外龔棻
並入同效死是月聞汀變城中震駭外援無一人至者守
陴皆饑困不任鬪冬十月四日 大清兵自南門入城陷
廷麟戎服帶刀從一僕行至清水塘僕急登樹望敵騎且
至急報麟騰入塘內積屍漸平因奮擠羣屍間處水漸

深展轉數刻而絕元吉亦別赴水死 大清兵既克贛城
三日後索麟屍得之塘中面如生握拳張髯凜凜不可犯
因設位合祭藁葬南門外一時同麟死者麟族弟廷鴻翰
林院編修兼兵科給事萬發祥太僕少卿守嶺北道彭期
生御史姚奇孕主事黎遂球周璉黃肇基錢謙亨曾嗣宗
進士符遡中贛縣令林全春監紀楊文琦黃尙寶王其寧
王其隆符述中贛紳盧觀象月世光劉日佺標將陳烈楊
第四烈第四死尤烈罵不絕口寸磔之文薦被執至南昌
不屈嘔血死執署總兵劉天駟戮於南昌戊子事聞行在
贈廷麟新淦伯少傅諡文正子世蔭麟獨身倡義所至因

人招集烏合師無中權餉不給法難驟加進止無一切之
令徒以忠義感激人心在吉時遍拜士卒請禁私掠勇公
戰人樂爲用稍支歲月而大清兵善因綴以牽麟師麟
師不耐持久卒以此敗麟無守贛責初與元吉交惡卒同
死國難至今天下稱之曰楊萬如張許云麟最思用滇兵
其兵皆獠獠號鐵腳貓自幼赤脚趺厚數寸度峭壁如飛
猿雖鐵蒺藜竹筴履如平地頭纏疋布橫直簪尺鐵堅如
鐵白披氍毹於膺前開袂奮迅如疾翎雖攢矢不能入刀
銃長六七尺許刀極犀利可截層甲銃聲不甚猛烟發輒
洞胸立斃諸器具皆飾白金人肩長標鎗各四五枝手擲

之如袖箭可破竿竹非至近不發發無不中中無不立死
者臨戰飲水食乾糧可數日腹不饑器用盡載馬上止營
進戰別無剩物軍令極嚴萬口不枚肅肅如著書士以金
鼓鐃角爲節無敢差尺寸其戰法皆蹲伏持滿如牆以待
聽敵施技畢氣稍衰雖百步一蹴卽至先砍馬足騎相遇
則以標擲之立墜大都騎兵一人須三百金乃辨真健師
也願蓋已先入爲主其眾又弗順於元吉遂未竟其用麟
每自言我不知兵見國事危急聊復爲此上以我爲知兵
殊誤而漳海尤甚於麟已事可見但得達梓里便讓賢路
以角巾還第足矣而識度宏敏忠厚性成數爲人所給甯

掩飾絕口不言遇有罪持法公允不阿故戚饑渴善士稱之不啻口出尤不介浮言既知其人雖遊說萬端不爲動龍武諸營既解散或抑揄之麟聞之曰詎我誠當人生官宰相不能立社稷功使民生康阜惟有詬耳詬便是宰相陞職豈必上柱國光祿耶里居時或述西洋火器精妙麟曰壞國家者此物也或愕然曰器非不精妙其如我兵以與人何將必有用以攻我者子當見之或又言某某習書先輩札攬多金麟笑曰此不過窮措大欲多得錢耳今人以虛言十四幅誑天子攬台司家累巨萬尙欲蒙青史以愚後人誑詐孰甚此之不論顧欲與區區一措大比論乎

崇禎末言者多憂財盡麟曰我方憂財多諸公何故言盡士大夫但肯發地下藏便可足十萬軍餉支數年之用惜徒爲他人積耳當聞疑過激事後皆一一如其言麟先在吉安寄諭其鄉故人門生鄒瑄鄧岳壽黃尙賓等起兵廬嶺爲內應兵敗殺嶺下數千人始事俱亡命破家至親戮辱以故麟妻子不能安其鄉族弟廷鴻爲周旋護詣行在麟元夫人早卒繼娶朱博學能文有幹識麟初糾嗣昌謫邊塞及以道周事被逮最後趨贛起事朱咸以大義勗成俾勿返顧麟甚重之至是病卒汀州訃聞麟一慟絕口不復言汀破次子璠僅七齡僕楊學繩城出之負奔數百里

以寄其門人彭鏡家庚寅甯都城破鏡殉難壽為兵掠士望傾橐贖之居四年以他難歸其孤於臨江娶少詹安福周鼎瀚女麟家居手不釋卷博究羣書讀再過終身不忘士望友人嘗問麟何如人望對曰楊公生平篤愛宋名臣言行錄人可知矣為文沉鬱灑瀚鑿鑿經世務詩極奇與書法集淳化名手自成一家自云十年後乃肯為人作字今不過用翰林圖書耳所著文稿盡散失僅存兼山詩集十卷乙酉鏡畢藏門人金士升家士升棄諸生足不及城市亦義士

魏冰叔曰忠厚正直是本傳通篇母子細大刻畫率不越此意終之以生平篤愛宋名臣言行錄公

之操行本末槩可觀矣而南昌湖東西贛州乙丙間兵事城守殉節成敗得失之故錯出互見無一漫語意重演兵詳載技勇法令惜未竟其用其他亦無可用之兵隨方調度支延待時心力竭苦干載如不見彷彿張許不及雖陽時不同也此傳非躬菴必不能作不特身行間親歷諸事其於公神明知己之交非文章能擅之所能盡固不得移第二章耳原評此文本末具備且并人品心術而發揮之始見公此全神也兼山之號為不虛矣明末吾鄉有人如此誰其繼之李祖陶識

公諱行本末稟可贈矣而南昌縣東西鄰俱云西

明太子少保東閣大學士兵部尚書贈少保新淦伯

文正楊公傳

邑人鄒瑄秋山

公諱廷麟字伯祥清江人崇禎三年庚午以明經舉南雍
次年成進士第二改庶常讀中秘三載未嘗以竿牘及要
津六年授編修七年奉使蜀藩却贈賄及賈豎之附舟遊
權者事竣移病杜門日與諸文士課文賦詩有終焉之志
九年秋都門戒嚴投袂赴闕十年分較禮闈所取多名下
士會東宮出閣妙選官僚廷議以公充講讀官併兼經筵
講官時詹翰黃公道周以宿儒重望為當軸所尼擯不與
選公恥之疏讓至再特詔黃公併兼講讀上方綜覈大吏

每於經筵諮訪得失公面奏冢宰田唯嘉考選不公併疏其贖貨狀先是饒郡兩司李朱公天麟成公勇咸以清卓先後著聲却置部曹得公奏上特賜對爲罷唯嘉付吏朱成二公悉改清要後卒爲名臣是年冬冷口不戒都城震驚天子爲之旰食公乃發憤論列樞輔楊嗣昌中璫高起潛薊撫方一藻惟怯誤國時人方之胡忠簡政府滋不悅因擠之外以職方主事贊督府輦下諸君子醵金爲助急裝募死士四十人與俱時敵騎充斥餽餽不前督府盧公象昇得公甚驩以公幃幄重臣資其威望轉餉濟師是以有眞定之役俄而賈莊失律盧公死之兵垣曹諸人承執

政指強附公名於案賂中人宣言欲以危法中公賴上聖明遂得薄鐫調外已而政府奪情事起言者益眾黃公道周以大僚危言剴論致干宸怒謫幕西江會江撫解公學龍考績循例薦剡首及黃公上愈震怒緹繫二公時解公已往貳南樞黃公官此公適家居聞信卽扁舟東下率江省諸同志爲治行裝勞緹校亦如戊寅都門之醵金助公也及二公下理將起同文之獄詞連及公十五年春奉牒就逮臺省諸公楊仁愿等論救得免屬上怒稍回言者悉賜環公乃復官職方主事未幾甲申告變先皇用殉公痛哭幾絕江省紳士方欲募兵勤王會宏光改元南都事遂

已是年夏以人望特起右庶子不拜次年南都失守公乃辭家赴粵謀興復八月思文立建元隆武手詔訪公拜吏部右侍郎旋晉東閣大學士屢詔趨入直公曰國破君亡不能光復而偏安海甸非計也當何面目躡三事坐中書堂乎因返虔州與督府李公永茂詹翰劉公同升共建義旂會粵東有人衛兵三千乃益募士得二萬檄召虔吉臨各路兵赴者亦不下數萬人以陳課童以振劉天駟李源符徐必達等爲官義兵王分總部署大饗士虔城西慷慨泣下眾爲感奮公親督各路下駐灶口收萬安抵泰和屬前鋒徐必達高會不戒爲敵所乘敗績死廣師遂譟而還

翌日公具冠服遍召諸將士酌酒出金作長別語因南向再拜歔歔不自勝次東向揖謝諸將士投身貢水三軍見之無不泣下謹呼之聲揚波振瓦一鼓而復吉州捷聞加兵部尙書平江恢楚賜劍便宜行事當是時公撫不教之眾抗方張之敵一出失利士氣沮喪向非感以至誠已無處矣十一月公至吉州張幕次鷺水連艦樹柵十餘里日決機務夜算軍書目不交者數月自公之下灶口也李公守制劉公卽世上念公獨勞苦特命萬公元吉總制七省以闕帥周仕鳳楚帥曹志建來會復詔監軍臺使陳公廣以滇帥趙印選胡一清來會俱隸戲下屢著戰功湖西一

路聲勢大振先是永甯郡王起兵湖東數月而恢建撫將
抵進賢遣信期會以明年正月會師章江公報如約萬公
則督廣閩之舟楚之騎沿江東下陳公則督滇師從安福
會楚師黃朝宣張先璧恢袁瑞二郡疾趨章門迎合湖東
同恢江省已而湖東再潰故東平伯高杰舊旅自收江陰
以來號爲勁敵從西岸襲吉州薄眞君山爲壘公聞報又
接湖東敗書卽檄召二路返旆援吉正月十八與高營大
戰於城西楚廣閩三帥失利勢甚孤危適滇師從安福來
直薄敵壘斬其驍帥友亮聲勢復振自是下流之師不敢
窺吉者月餘會部院曾公應遴書報峒寇輸誠俗所謂閩

王總者是也公被旨如虔受降得眾四萬馬萬餘匹因其
故名名曰四營公以湖東虔之右臂上方蹕虔親督四營
之眾及標鎮在恢之而以湖西事屬萬公三月之杪吉州
守潰萬公退保虔城時公已駐甯都聞報卽勵眾登舟率
標鎮源符先鋒鎮張琮下援五月朔一戰敗績公乃退保
雩都復檄湖東四營之眾西解虔圍此軍勇而驕眾而不
整六月一戰復敗七月吏部尙書郭公維經奉命總理與
公見於雩水之上相持而泣口我曹天子大臣國事至此
義當同死封疆豈可效他人逍遙河上乎卽叱馭入城與
萬公嬰城固守間縱偏師頗多斬獲事聞賜名忠誠府無

何而有十月四日之事是日昧爽公坐南城聞變卽理戎服稽首曰臣力竭矣命衛宿士坎地藏劍印遂赴廉泉而死一時從死者郭萬二公而下有分守嶺北道加太僕寺少卿彭期生翰林院兼兵科給事中萬發祥吏部主事龔棻御史姚奇允監軍兵部職方司郎中周瑚主事錢謙亨餉司主事曾嗣宗禮部主事符遡中監軍僉事楊廷鴻通判黃尙寶曾應文推官符述中總兵劉天駟參軍陳烈楊定邦紳士盧觀象劉日任諸生吳璧等皆先後不屈而死永曆二年追贈少保新淦伯謚文正公性坦夷不甚矜莊圖史之外無他嗜好中年乃寓意花石誘掖後進必盡其

誠吾郡古學公實爲之倡焉不植家人產至羣從兄弟子姪必以生事婚教爲己責孝友其天性也生平著述其大者在易與春秋惜篇帙浩繁尙未卒業散佚軍中良可悼惜唯兼山詩集行世子二長曰珮能文章敦氣義先公卒次日壽年少有志操

此傳前中後事皆詳備又足補躬菴傳文之遺筆亦堅蒼的係老手李祖陶識

文六載筆木型... 六日... 亦曰... 亦曰... 亦曰...

公諱廷麟字伯祥清江人崇禎四年進士官翰林院編修... 閣臣楊嗣昌與總制盧公象昇有郤兵事無不中制公抗... 疏請斬嗣昌專任象昇謂南仲在內李綱無功潛善秉成... 宗澤隕恨國有若人非疆場福嗣昌恚甚遂謫公兵部職... 方司主事隨盧公軍贊畫益加阻撓致盧公敗績歿於陣... 公護其喪歸遂屏迹家居劉公同升者字晉卿吉水人祭... 酒應秋子崇禎丁丑廷對第一授修撰亦以論楊嗣昌降... 調歸甲申春李自成陷京師帝崩公聞變痛哭與劉公大... 集紳士於澹臺祠為烈帝發喪舉義旗誓滅闖賊復疆土

楊相國傳 史外

無為州 汪有典 訂

公諱廷麟字伯祥清江人崇禎四年進士官翰林院編修... 閣臣楊嗣昌與總制盧公象昇有郤兵事無不中制公抗... 疏請斬嗣昌專任象昇謂南仲在內李綱無功潛善秉成... 宗澤隕恨國有若人非疆場福嗣昌恚甚遂謫公兵部職... 方司主事隨盧公軍贊畫益加阻撓致盧公敗績歿於陣... 公護其喪歸遂屏迹家居劉公同升者字晉卿吉水人祭... 酒應秋子崇禎丁丑廷對第一授修撰亦以論楊嗣昌降... 調歸甲申春李自成陷京師帝崩公聞變痛哭與劉公大... 集紳士於澹臺祠為烈帝發喪舉義旗誓滅闖賊復疆土

削列聖仇恥是時福王南渡授公左庶子劉公左中允俱不拜南都沒唐王擢劉公少詹事兵部侍郎總理江西而公以東閣大學士召亦辭不赴是二公者義急國不復計名位也遂結連贛撫李永茂立忠誠社於贛招致四方義勇於是王其宓其隆劉明葆彭日趨等各率家丁賫糧入社立功者幾二萬人大享士於城西率兵收萬安抵泰和復吉安全郡奉表迎唐王赴贛拜公兵部尚書兼東閣大學士開府南贛公念國破君亡偷安海甸非計刻意圖中原未幾而劉公以集勞卒於軍永茂亦以憂歸按察副使彭公期生與公同保孤城公將入閩會萬公元吉以總制

七省至遂畱辦軍事先是公招降峒寇得四萬人賜龍武新軍所謂四營者也張安者四營之一驍勇善戰統兵復撫州頗有斬獲順治三年丙戌五月戰於梅林而敗兵遂散八月大軍攻贛州圍日久守者皆憊十月四日黎明百道攻城城上發礮礮裂城陷公投清水塘死我將賈熊爲右軍有部丁獻佩刀者刀鐔及室皆黃金飾賈曰此必非常人馳往視屍識者曰此楊閣部也賈惻然曰忠臣固無彼此召工寫其像以四門扇爲棺瘞之庚子公子來求屍賈爲改葬立墓碑致祭成禮彭公自縊死死之日守備楊大器潛收其屍瘞於萬安縣之百家村仲子孫貽訪具

遺骸未得久之鄉人胡樞知萬安縣事一夕夢彭公語曰
遺骸在縣境君能歸之故鄉幸甚會大器之友曾堯景亦
以狀白樞樞資遣之至海鹽家人詰其事皆合子女旋以
血漬遺骨俱沈入乃慟哭葬之說者比於思鄉之溫序焉
公諡文正劉公諡文忠彭公字觀我海鹽人萬曆丙辰進
士

汪有典曰嗚呼丁崇禎之末造卽斬嗣昌任盧公於事亦
未必有濟濟亦必復生一物以敗之蓋天厭明德久矣况
既破其金甌肯令公等復圖其瓦全乎語云天之所廢誰
能興之則雖戈有魯陽無日可揮石有女媧無天可補三

代而下志士仁人賡恨重泉者多矣獨公等也乎哉

此合傳文也前補劉公後附彭公並
合法文體嚴潔論語尤佳李祖陶識

合武文體... 吳郡李瑤子玉
 分而不志士... 吳郡李瑤子玉

楊閣部傳

南疆繹史披遺

吳郡李

瑤子玉

楊廷麟字伯祥清江人崇禎辛未進士授庶吉士轉編修
 勤學嗜古聲震館閣與都御史黃道周善皇太子將出閣
 簡充講官兼直經筵乃具疏力讓道周不許明年春帝御
 經筵問保舉考選之法何者能得人對曰保舉當嚴舉主
 如唐世濟王維章為溫體仁王應熊所薦今二臣敗而舉
 主無恙是連坐之令先不行於大臣欲收保舉效得乎帝
 為動容畿輔告警因上疏劾兵部尚書楊嗣昌陛下有撻
 伐之志大臣無禦侮之才謀之不臧以國為戲嗣昌及薊
 遼總督吳阿衡內外扶同朋謀誤國倡和款議武備頓忘

楊忠愍公遺集 卷一
以至於此今可憂之在外者三在內者五督臣盧象昇以
既國責樞臣言之痛心夫南仲在內李綱無功潛善秉成
宗澤殞命乞陛下赫然一怒明正向者王和之臯俾將士
畏法無有二心召見大小諸臣咨以方略諭象昇集諸路
援師乘機赴敵不從中制此今日之急務也時嗣昌意主
和議而廷麟痛詆之遂大恚忿薦其知兵帝即召見改
兵部職方主事贊畫象昇軍象昇得之甚喜即令往真定
轉餉濟師及象昇戰死賈莊嗣昌亟問楊贊畫死未偵卒
以奉使在外對嗣昌爲不懌者久之初在軍中報曲折嗣
昌擬旨責其欺罔事後幾欲中以危法帝察其無罪僅貶

秩黃道周獄起詞連將逮治獄旋釋言者交薦將仍故官
未赴都城陷廷麟時在南昌踰地慟哭與翰林修撰劉同
升遇集兵勤王會福王立御史祁彪佳薦之授左庶子辭
不就宗室朱統額誣劾大學士姜曰廣並誣廷麟招健兒
有不軌謀曰廣爲內應語絕狂誕王寘不問然所募兵竟
以散去乙酉南都被我 大清兵下南昌袁州臨江吉安
俱投誠已又取建昌惟贛州孤懸上游岌岌獨存而兵力
單寡人懷恟恟廷麟乃與同升謀邀南贛巡撫李永茂享
士大夫於明倫堂勸輸兵餉刻期大舉唐王手詔至嘉獎
備優擢吏部右侍郎比有粵東人衛兵過境即疏畱之立

忠誠社得一萬餘人九月廷麟領兵偕同升取萬安抵泰和復吉安全郡又收臨江具表以偏安海甸爲非計請王移駐贛州進兵部尚書兼東閣大學士賜尙方劍便宜從事未幾王召永茂爲兵部右侍郎以張朝縱來代俄朝縱召還卽以同升代十月吉安告警副將徐必達戰敗赴水死援師至 大兵稍退屯峽江十二月同升卒總制萬元吉自閩至贛遂兼巡撫事與廷麟協力規畫明年正月廷麟赴贛招降峒蠻張安等四營復得四萬人安驍勇善戰賜名龍武新軍三月聞王將蒞贛趨廷朝之甫行吉安告警畱屯郊外日馳疏陳援吉防贛事宜時元吉代守吉安

守將胡長蔭違節制戰敗城復失元吉走阜口欲自沈永豐令亟持之乃退保贛州初中書舍人張同儻於崇禎末奉命赴雲南調兵及抵江西而南都且失因退還吉安廷麟畱與共守待以客禮其將趙印選胡一青頻立戰功元吉約束嚴不少假貸諸將漸不悅不用命元吉以新軍張安爲足恃也蔑視雲廣軍雲廣兩軍因之解體然安固蠻寇受降後淫掠自如廷麟救湖西所過無不殘破及是大兵逼吉安諸軍皆內攜城中不戰而潰四月我兵復乘勝至贛薄城下江西巡撫劉遠生亟出城躬遣粵都邀張琮者將兵來救贛人疑之曰撫軍遁矣焚其舟並拘其妻

子俄而遠生率琮兵至贛人迺悔臯琮渡河抵梅林中伏
大敗還至河爭舟多墮水死遠生憤甚五月朔渡河復陣
身先士卒被執復逃歸圍愈急廷麟乃遣使調廣西狼兵
已逞湖西邀新軍還及望日與我兵再戰梅林再敗即散
遣其軍而身入贛城與元吉誓守六月李永茂遣副將吳
之蕃率廣東兵五千至戰於李家山圍暫解廣安退南康
已復合廷麟等分門堅拒如初贛州困守久王獎勞之賜
名忠誠府七月尚書郭維經來援與御史姚奇允募兵八
千元吉部將汪起龍率兵數千雲南援將趙印選胡一青
率兵三千大學士蘇觀生遣兵亦如之兩廣總督丁魁楚

亦遣兵四千廷麟更命將吏收合散亡得數千先後抵贛
營於城外軍聲頗振八月水師羅明受至戰江上大敗死
者無算雲廣軍氣奪不戰自潰他營亦稍稍潰去會聞汀
州破人情益震懣守陴者皆疲甚十月四日天霧且雪
大兵用嚮導乘夜登城廷麟急督鄉勇巷戰黎明城上發
砲砲炸城裂遂走城西清水塘沈死同守者總制萬元吉
尚書郭維經御史姚奇允主事彭期生俱死之

據遺曰楊閣部起義兵於閩中頒詔之先失孤城於汀
州就俘之後觀其奉表請駐贛州以圖恢復心甚雄而
力甚鉅矣及其死我將有賈熊者歎爲忠臣倉猝無所

得棺遂以門四扇辨之瘞之東關之外其始為贊畫時
盧忠烈公甚倚之後之以閣部督師而盡力若此可謂
不負所友矣

其文較前所載諸傳為首尾完具
文後斷制數語尤佳李祖陶識

讀楊文正公傳書後

葯房遺稿

邑人

張天棟

葯房

國家安危治亂之故係於人事之得失至於盛衰倚伏興
亡代嬗蓋亦有氣數存焉氣數之所窮人事復應之雖有
智謀之士忠義之臣百計支吾如百孔之瘡隨潰隨決如
崑山之火玉石俱焚此皆前古已然之跡可考而知者也
當此之時士之扼腕攘臂而爭者惘然不知成敗利鈍思
自奮於功名以邀萬一之倖及其不濟以死隨之此固已
稱烈丈夫矣若夫明知氣數已盡國脈已斬必竭其心力
之所未盡與分之所當為崎嶇於險阻盤錯之間以至於
死而後快者非仁至義盡之士不能文正公丁陽九之會

國事已去南都失守西江諸郡相繼陷沒公獨倡議贛南
乞師李永茂已而復吉安復臨江湖東諸邑豪傑響應未
幾閩浙破龍武被虜贛以孤城坐困內無三日可持之粟
外無虬蟬蟻子之援而公亦遂以死狗矣初公之自署其
號曰兼山也在甲申之秋方是時燕京雖破中原雖失而
江淮閩浙楚兩粵之地猶隸版圖江南之賦可給而八
省之兵可戰也縱不能恢中原復故土倚長江天塹之險
中分天下猶不失東晉之遺業南宋之舊規公輒凜然以
死自命附於文山壘山兩先生後者蓋以宏光之昏暗淫
醜既不足有爲而馬阮諸人朋奸肆虐蒙蔽苞苴貪夫庸

伍委以干城重寄此待餌之魚游於釜中者也其間雖有
慷慨任事之臣如史可法黃道周劉宗周左懋第三四人
然氣節有餘而撥亂反之正尙非其具也以天時人事卜
之公已知氣數之必盡而國脈之必斬矣特內顧此身讀
書養氣數十年列侍從之班數勞眷寵碌碌然徒以一死
謝天下吾之分終有所歉而心與力終有所未盡也故隱
忍存息鞠躬盡瘁間關南贛之間至於萬無可濟而國亡
身死然後可以得天理之正人心之安由是觀之則公之
死不決於贛城屠破之日清水塘效命之時而決於兼山
自命之初也公豈非仁至義盡之士乎哉在昔宋之亡也

元以精銳薄臨安文山領贛州新集之屨烏合雲集入衛
天子其友止之文山曰吾詎不識事之罔濟哉國家養士
三百年一日有變徵天下兵無一人一騎入關者吾甚恨
之及曰父母有疾無能為矣未有不進湯藥者而壘山亦
俯仰時事策未必亡於二十年之後每論申包胥張良諸
葛亮常有千古之憤嗚呼此可以知公之心矣昇山後學
張天棟題

晨門論孔子曰是知其不可而為之者與文本此
語以論文正可謂獨探領下珠矣文筆亦大氣鼓
鑄紀律森嚴是真作手李祖陶識

楊劉萬殉贛紀事本末

青浦 楊陸榮 采南

崇禎甲申闖賊破京師江西在籍翰林院修撰劉同升聞
變痛哭幾絕檄告江西十二郡紳士舉義復仇縞素別邱
壠而出至南昌遇職方主事楊廷麟大集紳士於澹臺祠
為懷宗發喪涓吉誓師進發福王立授同升左中允廷麟
左庶子俱辭不拜唐王立於福州擢同升少詹事兵部侍
郎總理江西而廷麟以東閣大學士召廷麟以國破君亡
偷安海甸為非計辭不拜與贛撫李永茂及同升共舉義
旗會粵東有入衛兵三千過贛即疏留之立忠誠社於贛
州招致四方之士於是王其宏其隆劉明保彭口趣等各

率家丁自贖糧入社立功者幾二萬人廷麟乃大亨士於城西率兵收萬安抵泰和復吉安全郡乃奉表迎唐王赴贛順治二年乙酉十一月李永茂以憂歸而萬元吉以總制七省至贛與同升廷麟同心規畫時永甯王已復撫建約同下省而同升已病未幾湖東告潰十二月同升卒於零都事以不果初元吉佐楊嗣昌史可法兩閣部軍與江西總兵金聲桓素善聲桓收江右以書幣招元吉元吉辭以各行其志聲桓勿迕也至是元吉王撫金以恢省因移書聲桓聲桓頗心動而未決三年丙戌三月吉安守將胡長蔭違元吉節制爲我將柯永盛所敗吉安遂復失元吉

走皂口欲赴水死永豐令林全春亟持之乃還保贛州大兵尾之拔萬安遂圍贛聲桓聲問遂絕給事中楊文薦者奉命往湖南過贛見事急願畱共城守元吉賴之先是正月廷麟招降峒寇得四萬人所謂四營者也張安者四營之一驍勇善戰賜名龍武新軍元吉倚之而蔑視雲南廣東諸軍諸軍解體五月江西巡撫劉遠生督張琮來援戰於梅林而敗龍武新軍亦敗於梅林於是援兵皆不敢前元吉苦客將不用命且出掠爲民患乃謀練土著更番出戰頗有斬獲大兵移下沙然元吉御兵士嚴刑威不少假貸故兵士不樂爲之用贛圍久王賜郡名忠誠加元

楊忠節公遺集卷七
吉兵部尚書文薦僉都御史六月李永茂遣副將吳之蕃以廣東兵五千至七月吏兵兩部尚書郭維經奉命總理江西湖廣軍事與御史姚奇允沿途募兵得八千人至雲南援將趙印選胡一青率兵三千至大學士蘇觀生遣兵亦如之兩廣總督丁魁楚亦遣兵四千至軍聲頗振諸軍皆欲戰而元吉欲俟水軍至共擊是時中書舍人來從諤募砂兵三千吏部主事龔棻兵部主事黎遂球募水軍四千皆屯南安不敢下兵部主事王其宣謂元吉曰水師羅明受海盜也桀驁難制且今水涸舟行爲難豈能如約不聽八月大軍聞水師將至卽令兵士夜截諸江焚巨舟

八十明受遁於是諸營皆散去元吉弟六吉調廣西狼兵八千至南安亦不戰潰已聞唐王被難汀州全城氣索十月天霧雨雪大兵乘夜上城城破元吉率士巷戰奪門出至東關歎曰大事去矣投貢江而死廷麟死於清水塘我將賈熊歎爲忠臣以四扇門爲棺瘞之東門之外維經與奇允同縊於嵯峨寺湖西兵備僉事加大常卿彭期生衣冠自縊職方主事周瑚被獲磔死通判王明汲編修兼兵科給事中萬發祥吏部主事龔棻戶部主事林琦兵部主事王其宏同弟其隆黎遂球柳昂霄曾嗣宗錢謙亨中書舍人袁從諤劉孟鞠劉應試推官署府事吳國球監紀

通判郭甯登訓導徐君鼎都督僉事劉天駟臨江推官胡
縝贛縣知縣林逢春皆被戮邑人河南同知盧觀象盡驅
男婦入池乃自沈死馬平知縣謝讚與子允繡好允斗衣
冠自縊舉人劉曰佺同母妻子姪弟婦同日自盡薦授萬
州判官月世光攜幼孫同盧觀象赴池死世襲贛衛千戶
孫經世同弟緯世絃世闔門自焚死監紀軍務聶邦晟同
子士燦士煥妻劉闔門死貢生楊萬言同妻子赴池水死
庠生郭其昌同妻范號泣三日死董纘卿同子麟兆正宸
正朝俱死之謝明登同妻羅子佛生赴池死馮復京同妻
張對縊死余學義母周先自縊學義同妻鍾子婦邱二孫

赴水死陽麗天同妻赴清水塘死金之杰巷戰殺數人攜
妻赴水死王統王純縊於文廟周葵陳君猷積薪自焚死
鄉約謝明登同妻楊赴井死雩都訓導胡董明被執見殺
甯都會嗣宗楊燧俱自經死書工趙廷瑞赴水死織人熊
國本赴義忠誠社至是被執贛令舉人也叱之曰爾織人
何知義國本曰織人不知義舉人顧當爲不義耶引出斬
之參將陳烈其弟降於我烈奮勇疾鬪至是被執其弟勸
之降不從乃殺之其以流寓同難者廣東提學道符迦中
同兄述中新喻進士萬發祥廬陵庠生段之渾新喻庠生
蕭瑛

此文敘合兵之多與後敘就死之眾又詳於彭鄒諸文李祖陶識

江右諸忠殉虔大節遺言

新喻簡宥

丙戌十月四日虔州城陷督撫萬吉人元吉先生死於水

督師大司馬郭雲機維經先生死於火吾師恢平督師閣

部楊機部廷麟亦死於水吾舅監軍翰林萬瑞門發祥先

生經於小南門之雉樓銓郎龔建木榮先生刎於寓樞郎

錢尊生謙亨縣令符昉祈遡中中書康小范范生貢選符

麟生述中文學鍾羹若和其死雖未知其所適從皆殉於

虔而死於王事者也此外吾鄉尙多若而人未知官爵姓

氏不敢遽書蓋闕如也闕之俟得實非敢忘之也其他省

殉難者如監軍兵垣楊先生臺中姚二水先生奇允尙有

楊忠節公遺集卷七
其人然未若吾江右殉節者之多也宋之淪亡吾吉文文山先生賦正氣歌而死明崇禎十七年甲申三月十九日闖賊陷燕京其殉於社稷者寥寥無幾惟吾吉樞宰李茂明邦華先生死之獨慘今殉虔之節者郭雲機先生則吾吉之龍泉人也康小范則吾吉之吉水人也萬吉人龔建木二先生則吾南州人也至若臨之清江則楊機部先生吾渝則萬舅瑞門先生符昉祈錢尊生以及述中符君羹若鍾君也諸君子生斯世也文章之渾浩學問之深醇姑無具論然而遠矣嗟乎周項陳錢諸人非以文章學問名於世者乎然大節一失又何他技之足云也惟吾萬吉人

楊機部諸先生當天地崩裂之時桑海幻變之日獨能豎常山之髮灑侍中之血以負三百年綱常之重繼文山之芳躅媿茂明之徽名豈不偉哉承平之日夸世譜擅文章俯視一世無與倫比海內亦復想望其爲人乃臨事而偷生取寵者則磨至鱗集至於殉忠死節又奚能如吾江右之多耶歲寒然後知松栢之後凋也朱子釋之謂事窮見節義世亂識忠臣吾於江右殉虔之諸君子不能不三致意云先是特易虔名忠誠蓋雖嘉諸君子勤王之忠誠實以兆諸君子殉虔之忠臣也敬爲表之以俟秉筆之史氏有所采焉

官制采書

以次請其于既與之忠曰少燔為表之以劍乘筆之史丑
意云夫吳封是與各忠始蓋繼慕請其于燔王之忠始實
贈美其忠請忠曰吾欲以本成與之請其于不請不三姓
之冬相效寒然發映味醉之發即也米于縣之請專其良
至更請皆與至繼乘至欲成忠又簡又奚請破吾以本
前願一其無與論此辭內亦更然望其為人以制專而前
其圖欲效也之燔各豈不請造承平之日奪其請其文章
常山之變靈封中之血以食三百半縣常之重錄文山之
對對請其夫主當天此與與之制乘請其變文日與請其

烈皇小識 六則

明季稗史

十年禮部題二月十七日皇太子出閣講讀侍班官四員
禮部尚書姜逢元詹事姚明恭少詹事王鐸屈可伸講
讀官六員禮部侍郎方逢年右諭德項煜修撰劉理順
編修吳偉業楊廷麟林增志較書官二員編修胡守恒
檢討楊士聰侍書官二員中書黃應恩朱國詔舊制日
講官東宮講官無相兼者恐皇上與東宮同日御講絕
致相妨也黃應恩既充正字又充侍書則以淄川從外
人不諳衙門規例而士聰係辛未增志係甲戌一輩尤
為錯謬臨期逢元罷去侍郎顧錫疇代

十一年二月十二日上御經筵畢召禮部左侍郎顧錫疇等二十餘人問保舉考選二者孰爲得人諸臣各以大意支吾諭德黃景昉獨以鄭三俊下獄及朱天麟成勇不得考選對上細詢良久諭以三俊蒙詢有徒清亦不濟事之語至朱成二人則庶子李建泰而下多同辭稱其果屈上命起序列有言者出奏於是諸臣各陳所見上亦隨意答之上又曰言須可用如先年講官姚希孟欲將漕米改折一年這個行得行不得編修楊廷麟對自溫體仁之舉唐世濟王應熊之舉王維章今二臣皆敗而體仁應熊竟無恙是連坐之法先不行於大臣爾

欲收保舉之效得乎上爲之動色久之無所言項煜乃奏成勇不得考選以任濬爲閣臣張至發兒女親家前任濬列在第二後以有議以成勇易之閣臣不欲勇獨得考選若曰得則俱得失之俱失云爾上曰誰沒有個兒女親家這也不在此至發奏請勅山東撫按勘驗臣與任濬結親或現在或已亡有一於此治臣之罪上諭以不必與辨對畢諸臣出朝吏部偵事者誤傳奏成朱者爲楊廷麟田唯嘉恨甚嗣是轉攻廷麟矣次日黃道周黃景昉楊士聰各有疏景昉申言鄭三俊事道周疏亦及之士聰則言考選事而田唯嘉亦有疏則直攻楊

廷麟內云成勇任濬各爲同鄉所引科道求科道詞林雖未預訪單而暗中皆爲主持臣一旦推之部屬安得不觸諸臣之怒至楊廷麟則尤有說焉今考選推部之涂必泓係麟同鄉至戚保舉聶明楷係麟同鄉萬穀春所保舉臣且參革並穀春議降調矣是以廷麟恨臣以保舉考選爲不平而特借成勇朱天麟爲口實也奉旨接引主持有何憑據且原奏係黃景昉何訛爲楊廷麟還通着明白回奏十六日上御日講面諭黃景昉昨原切責鄭三俊豈是矜亮又諭俞煌昨召對有姚希孟全折漕糧一年之說煌對曰行不得如何此疏竟隱不載

時講官張少詹四知出語人曰今日上甚怒說者謂三俊自此得釋矣十九日上御門畢諭百官數百言內言鄭三俊一案屯豆牆穴情弊顯然有何可疑而欺罔委卸巧爲彌縫屢奉批駁軌法愈甚但念別無贓賄姑作回家聽擬蓋聖明本能受言第不欲恩歸於下耳三俊以初九日下獄風霾陡作咫尺不辨是日得釋微雨澄清誰謂主心不上應天心耶

東宮講讀官項煜楊廷麟各疏願讓少詹事黃道周淄川具疏極掛之內云道周近疏有臣不如鄭鄮之語夫滅倫杖母明旨煌煌鄭何如人而自謂不如是可爲元良

輔導乎草此揭者中書黃應恩也先是戶部尙書馮英同時下獄道周辭官疏內及侯馮因遍及用刑之未當者鄭鄭特其一耳疏中有一日內繫兩尙書偶遺一尙字有旨內繫兩書敬慎何在迨後英竟以微罪得釋是未嘗不用其言也給事中馮元颺上疏畧曰頃頃煜楊廷麟疏讓黃道周夫二臣所選不肯苟悅於閣臣爲閣臣者宜深加贊歎風勸百僚而近日一揭若大不快於其言者并遷怒於道周何也若以道周建言爲罪則皇上已還其清秩數次奏皆荷優容天下萬世皆頌爲主聖臣直一大盛事而閣臣反因此怒及道周恐天下後

世以議閣臣之有得失矣淄川又出辨揭所謂徑徑孤執卽有苟悅之臣不能呈身於臣云云亦應恩代草也田唯嘉疏參楊廷麟奉有明白具奏之旨而屢疏回奏總無指實上詰責不已會項楊各疏參淄川遂以項楊爲接引以河南掌道御史王萬象爲主持

張若麒沈迅既營求嗣昌由刑部量調兵部有日矣適御史涂必泓疏言刑部所司者民命而人行在厭薄之是以十三司官強半皆鄉科任子偶有一甲科則輒調別部豈司民命者當專用不肖乎請自今著爲令刑部官不許更調別部奉旨申飭若麒憤無所洩乃疑涂疏爲

楊廷麟實使之蓋必泓與廷麟同鄉同年後張沈與嗣昌比而修怨廷麟者禍亦烈矣先是楊廷麟疏論武陵及高起潛武陵特題改兵部前往盧象昇軍前贊畫賈村全軍陷沒事聞上以督臣陣亡坐營不行策應遠聞論斬邊將祖寬素以慙直得罪當事與副總兵李某俱遠問大辟人咸寃之武陵題楊廷麟之贊畫也實欲假手於大清兵殺之盧未出師之前遣廷麟至真定與陝撫孫傳廷議事不及於難及敗報至武陵首先問曰楊翰林死未報事者止知贊畫不知翰林爲誰武陵乃再問曰楊贊畫死未報者答以已先奉差不在營中

武陵爲不豫者久之嗚呼此卽曹瞞殺禰衡之故智究竟廷麟不死於陣而武陵竟死於賊孰謂無天道乎

此數段所引可爲本傳作疏證李祖陶識

此處對刊有石印本對并疏鑑卒歐開辦
竟英翻不及敘朝而左刻竟不及叙棟暗無天澄平
左刻為不贅昔人之謂平此唱曹翻聲無論之姑嘗求

永曆野紀 上卷節錄

明季稗史

順治六年己丑紀稱永曆三年金聲桓王得仁已歸附復
叛於江西聲桓本遼陽世職以邊資歷楊嗣昌史可法部
遷淮徐總兵尋隸左良玉麾下左敗襄樊退武昌乙酉吳
三桂及本朝英王已破闖賊追餘孽東下左憚之欲退
保金陵而無名時適有偽太子王之明事良玉用湖廣巡
按黃澍策聲言救太子清君側部署三十六總兵東下四
月至九江將挾江督袁繼咸以行黃亂掠九江左驚嘔血
死其子夢庚乃劫袁俱下與黃得功方國安遇戰敗引還
值英王追奔至九江夢庚師潰遂降仍授夢庚官爵率諸

將而北聲桓獨猶豫持兩端願與袁取江省自效英王許之袁不從乃執袁以歸中軍總兵鄧林奇死之乃與降賊王體忠合營還兵進取時省中故臣熊明遇楊廷麟劉同升議集防禦巡撫曠昭不能決潛遁熊楊知事不可爲亦去六月諸士民送款聲桓壺漿相屬金出不意喜甚王體忠以江人不之禮遂以聲桓隙分營而居撫標將白之裔鄧武泰駐袁吉以兵守峽江曠昭與湖東道王養正南瑞道夏亨輔益王舉義兵拒進賢聲桓遣劉一鵬至峽江敗之獲武泰聲桓欲降之不屈被殺體忠兵由進賢所向皆克陷撫州執曠王夏歸之武昌皆不屈死郡人張見侯新

城令李祥皆死之又破建昌軍聲大振遂凌聲桓聲桓欲除之而并其眾八月薙髮令下三日無應者乃歸罪體忠託以計事令親將白朝佐刺殺之王兵大鬪燒章門攻金初體忠部將王得仁妻黃天雷之妹有殊色體忠欲之得仁怒乃與聲桓約爲父子共圖體忠聲桓乃命得仁招其所部令統之二師既合芟剔義旅西山劉天駟豐城胡奇偉廣信萬文英甯州許雲龍吉安郭應銓王來八臨江曾亨應曾文德瑞州陳泰來撫州艾南英南康石光龍九江李合初郭賢標皆殄之惟鄱陽陳九思勁兵未下聲桓自以功高望封爵及命下乃授副總兵視前銜反貶得仁不

與已氣阻及招撫孫之懈至諸將皆受節制更置聲桓所署吏江撫李鳳翔繼之大行裁抑聲桓益不堪時楊廷麟劉同升樞臣萬元吉贛撫李永茂奉隆武詔勤王自贛吉下戰屢克萬貽書招聲桓萬初贊楊史軍與聲桓舊而義督揭重熙戰新城時亦招得仁許為之請侯封得仁亦心動十月贛州破揚萬及都御史郭維經死之

此段說金王之變頗詳可補通志武事門之闕李祖陶識

清江楊忠節公遺集八卷

附錄 卷下

答楊伯祥太史書

漳浦黃道周 石齋

世道祇繫斗柄風雷自胎嶽瀆而苑柳詩人蹈及上帝過矣日來天遠海樹雲稠隙光不漏矇眊之揣日籥跛鼈之跂岱巔不類一絲何止萬里涂德公來得拜書知道體清豫并江關動靜稍得掀眸比得建昌所惠書又在涂前入公所撰召對恭紀想應見之大厦一木決不相謀滄海橫流聊以卒歲即使興元有詔招七藩之魂齋室能謀決青燈之帳猶未宜以折肱之螳擁唯塵之轍也巴涿動靜自

不相關蝸蝨飛鳴何處蔑有才者自才道者自道唯兄與弟自信得過耳朝家明以重擔交兄與鴻寶天下心魂看兩家動靜擊壤餘生無所短長猶水泡燈影隨流滅明而已燕翁可出山未鍾山英靈想亦無恙左師江上鵝鶴如何齋盜資兵顯無歸著此悵安可消除不肖兩次趣人出師幾使募者欲拔其舌世事滔滔終當令此輩擬稍及目也賤體日益虛撫案作書輒鼻衄垂下如峯懸瀑倚筇遠山不能百步每風雨酸痛甚於曩時以此掩關益謝人事不知興化離類又當何如著吾手脚也溫陵二公百五十日未有家訊以此不知神宗動靜前疏單上已平下小僕

亦未迴石帆消息無從問之江表二公甯有使石帆陸沈之理近有分別簡便款中想載之也子似當噓揚過此多唱反屬和稀李茂翁勤王蚤晚入都可慮念臺二無之撰猶之以薛抵楮唯冀天定勝人戎醜蹶生屈於長道耳象正聞武林版已就未見分張中與前本異同亦未能詳定皆草創也四詩誦之無數外一扇二紗并致鄙意謝謝不勝

木想
空管草陰出四指爾之無燁伏一鼠二條共延過意備備
余五閩先林想曰微未良衣惠中興前本異同衣未游精
對醉之以朝淋淋到奠天家想人廷願願坐風欲其首耳
冬即只蠶味絲李茲命僕王蓬細人清下觀命臺二無之
文賦或育衣限簡與煉中懸燁之出 干以當想對歐此
衣未賦否帥能息無發問之云遠二公窺育對否帥對於

與楊伯祥書

前人

秋初接機兄書乃知豫章猶未聞閩中動定前書乃錢塘
造次羣蜂幾自喫腹也六月中勸潞藩舉義迫不可為敵
下塘西勿率西上乃與今上遇於桐廬萍水風雲奇耦適
合碌碌因人未免為雷鄴所笑然而今上不飲酒精吏事
洞達古今想亦高光而下之所未見也每見必與談機兄
精心雋識作大事不得機兄猶南陽之無鄧禹目下甄寄
銓宰猶驕驪之羈絡也袁江州既不可收令人長嘆左家
健兒尙多能遂化為沙蟲乎熊京山父子竟如何似當資
其一臂之用戴初士劉世兄安能寂寂前有書招舒魯直

都不見來山川悠遠又有戒心無足多怪必如上策鼓舞
眾志番君英布決此湖水蕩滌鍾山豈可量乎做鄉阻遠
勢援節 鄱陽之經旬建溪之彌月也能建大事者不在
蚤暮但恐盱江新破豫章無力虔吉之師不復能相從耳
劉晉卿暫借司成今亦安在我數人卽智不神禹勇不彭
祖何詎不如管仲唯機兄圖之張兄家玉者有志節借試
來豫章專爲商此大策幸悉心教誨并藉入筆血共灑也

與楊機部書

前人

知路皓月至深以爲喜微事得台丈控制有人看彼中漸
可收拾然人心之變非復曩昔不肖之心血盡矣看諸蹶
張者中夜提傀儡不覺心痛兵家呼百爲千嚇坐作走已
成痼套不肖祇爲無套爲世人所輕前發千二百往撫州
坐一月無一人應者今發二千救徽出門三十里正與敵
遇幸而斬獲未有信者兩營錯路走德化凡十日不與敵
遇而三營當敵婺源奸民引之抵邑黃仲霖差人招降爲
小隊所殺我師亦遂隕將僅足相當走開化者尙八百人
無由趨接可嘆也不肖以孤掌盪山得則爲眾所睨失則

爲眾所嗤自兵自餉雖費卽山而眾以毫毛視之看如此不百日潰決矣不日當至彼補其羊牢天若祚明當有起而助予者度天下事須大力爲之伊呂失勢等於溝中無益也紙上何足賴僕自過關來發書百三十封猶之敗葉耳武臣愛財文臣惜死爲彼者虎爲我者鼠詩曰天寶爲之謂之何哉台臺倘相念幸真切教之


送林衡者還閩序

節錄

崑山 吳偉業 梅村

往者在長安石齋曾以易傳授余及豫章楊機部未及竟石齋用言事得罪相送出都城機部慨然曰絕學當傳大賢難遇余兩人盍棄所居官從石齋讀書鶴鳴山中十年不出余心是其語兩人者逡巡未得去今機部後先授命余覲顏苟活先生之學遂以失傳嗟乎吾聞之古人有辭親遠遊負笈求師三年不得見者矣有解去卽綬不通官閱北面稱弟子者矣此機部與余所不能爲者而衡者爲之衡者行序其稿爲贈所以明余之情著衡者之勤以見閩士多賢而石齋先生之學猶存於天下也

按衡者名佳璣興化之莆田人布衣不仕隱居著述石齋弟子也



跋楊機部先生書陳黃石序後

明 陳允衡

韓子曰其為也易則其傳也不遠古人立言之不苟如此自衡辛巳奉教機部先生知其確然期於必傳有昌黎之風焉是時先生寓先舅城南別墅衡所居相隔一蓬蒿徑嘗謂衡曰今日西銘之書滿家其傳或鮮吳司業書後出未可量也又曰吾作字時便思可以勒石若贈人以言須考其生平與所處之友庶無失言之悔嗟乎先生於文字間矜慎若是其大節不屈蓋亦籌之審矣今觀贈陳侯序既為滄民惜侯之去又惜侯僅以叙遷不獲大用於朝所以治淦之善政大書特書不一書而已也知侯既稔又徵

諸鄭大宰其用意之深期於必傳者為何如哉閱二十餘年始得拜而讀之因述所聞於先生者書之歸侯之令嗣展侯以志慨慕云

跋楊兼山先生序陳黃石書後

河南周合樹

黃石陳令君足為滄重而楊太史機部文又足以重黃石雪堂愚山二公皆有題洵墨寶也雖然太史文固以人傳昔東坡作戚氏樂府最得意至有立論排詆以為非公作者向非李端叔跋三百四十餘字則後人亦何從定其真偽故得熊施兩先生之言而太史傳令君之文益足據云展侯其珍藏之

氣其延熹文

謝姑翁謝賦兩長生之言而次與軒合語文文蓋其勉云
昔向非李敬殊題三百四十餘字限對人衣而對衣其真
昔東姓軒賦刃樂亦最其意至有立論其端以為非公非
雪堂愚山二公皆首題所墨寶也觀然太史文固以人對
黃石刺合昏只為銘重而謝太史謝暗文又足以重黃石
題謝兼山去生京刺黃石書對 臨南風合懋

跋兼山先生遺墨後

邑人楊懋田雪賦

右吾鄉楊兼山先生遺墨也先生孤忠大節載在明史其
翰墨殊不多見此卷綾本長幾盈丈字凡一千有奇舊所
裝褫邊幅漶漫獨綾本完好墨彩如新殆別有呵護之者
舊藏予媼聶虞麓太史家予從其後嗣購得不敢私秘謹
壽之石以廣流傳卷中諸什作於壬午已在勝國末年所
云創往悲離當在石齋先生獄平以後石齋漳浦人詩中
漳海先生正謂黃也公生平以文山疊山兩先生自况因
號兼山事會所乘適符其志故其幽鬱沈雄之氣見於楮
素足以爭光日月與史乘並傳覽者亦肅然如瞻毅範與

嘉慶十六年歲次辛未閏二月拜志

崇禎御書記

甯都魏禧叔子

己未九月禧就醫泰和過贛會捉船不得行卧故賈將軍
季公子重儀所偶論古帝王工書法實天縱非人力也重
儀因言吾家藏有崇禎皇帝御書蓋先將軍舉葬楊文正
公公子以是報云公官翰林院時所賜禧敬請瞻仰免冠
叩頭展視草書唐人句當軒半落天河水遶徑全低月樹
枝十四字上朱璽崇禎之寶璽上押帝字大如錢所書詩
字大五寸許筆法遒勁秀好煥然天章惶恐悽愴者久之
禧往見御書松風水月及賜督師楊嗣昌詩皆墨刻又於
揚州興化李廷尉清所見御書所批考選卷面科九二小

字並未足方是書時天下多故皇帝勵精求治宵衣旰食惟日不足而以其間精藝事如此非天縱聰明其孰能之禧因顧重儀珍重爲世世子孫寶勿謂得之易也文正公諱廷麟清江人初乙酉公將入閩過贛見虔督萬公元吉獨支巖城遂以義師留贛辨軍事丙戌十月城破公死清水塘池中時遼東賈將軍熊爲右軍有部丁獻佩刀者刀鏹及室皆黃金飾將軍曰此必非常人親馳往視屍識者曰此楊閣部也將軍惻然曰忠臣固無彼此迺召部下畫工寫其像趣匠以四門扇爲棺瘞之西門外河上他日將軍鎮甯都建牙禧故宅邀相見道此事禧公門下士也辛

卯四月請於將軍將改葬將軍命故瘞者從禧往率鋤七八人之河上凡發土十餘處不得蓋金王之變營西郊塚墓皆夷不識其故處也禧旣希到贛亦不復聞問頃重儀乃言庚戌歲公公子來求屍得之將軍爲改葬立墓碑致祭成禮葬後十年其家人無有至者重儀使人道禧往道遙久而後得之拜伏不勝嗚咽豈與國休戚荒塚蔓草蕪穢不治公固當有是與墓臨西河上在楊梅渡灘兒下楊秀亭康大靈王廟右百步禧兩求公墓皆有詩在別錄

因觀御書而詳記公墓文不徒作也結處詳記其處以待後人尋而修之李祖陶識

於以於人... 靈王... 固嘗育... 西河... 豈與... 人... 葬... 不... 其... 十... 年... 其... 來... 死... 於... 水... 塘... 池... 中... 俱... 為... 柯... 永... 盛... 所... 葬... 萬... 公... 不... 知... 其... 葬... 處... 楊... 公... 墓... 在... 焉... 按... 甯... 都... 魏... 處... 士... 禧... 崇... 禎... 皇... 帝... 御... 書... 記... 當... 公... 之... 殉... 於... 清... 水... 塘... 也... 有... 兵... 獻... 佩... 刀... 於... 右... 將... 軍... 賈... 熊... 刀... 鐔... 及... 室... 盡... 黃... 金... 飾... 賈... 曰... 此... 必... 非... 常... 人... 佩... 也... 詢... 所... 從... 得... 曰... 得... 於... 某... 處... 因... 同... 至... 尸... 所... 識... 者... 曰... 此... 楊... 閣... 部... 也... 賈... 惻... 然... 曰... 忠... 臣... 固... 無... 彼... 此... 急... 召... 畫... 工... 圖... 其... 像... 命... 匠... 以... 門... 扇... 為... 棺... 瘞... 之... 西... 門... 外... 河... 上... 後... 賈... 鎮... 甯... 都... 處... 士... 與... 善... 八... 年... 請... 於... 賈... 將... 改... 葬... 命... 故... 瘞... 者... 同... 往... 發...

修楊文正公墓記

葉啟祥

順治三年大兵破贛州督師兵部尚書萬公元吉協守
 兵部尚書楊公廷麟同日死郡志稱萬公死於章江楊公
 死於清水塘池中俱為柯永盛所葬萬公不知其葬處楊
 公墓在焉按甯都魏處士禧崇禎皇帝御書記當公之殉
 於清水塘也有兵獻佩刀於右將軍賈熊刀鐔及室盡黃
 金飾賈曰此必非常人佩也詢所從得曰得於某處因同
 至尸所識者曰此楊閣部也賈惻然曰忠臣固無彼此急
 召畫工圖其像命匠以門扇為棺瘞之西門外河上後賈
 鎮甯都處士與善八年請於賈將改葬命故瘞者同往發

十餘處不得遂止蓋贛州遭金王之變營西郊昔所隆起者並被蹂踐以平無可識矣康熙十八年處士過贛見賈之子重儀出示崇禎皇帝御書因言九年楊公公子某來求公尸得之因改葬立墓碑致祭成禮公子感德因以御書唐人詩當軒半落天河水遶徑全低月樹枝十四字爲報云公子卽公歿時掠於兵南昌彭士望典鬻衣飾以贖之者也觀魏記則公葬於賈非葬於柯志稱柯所葬誤已或一時相傳之訛或萬公爲柯所葬故並及之柯去後遂莫知萬公葬處而公之葬處實因賈鎮甯都故得詳也公墓碑署曰明閣部楊伯祥諡文正公墓僅尺許高卽附於

壙之之封處字漸漫漶將不可識墓在道旁僅一抔土然訪之土人固罔不知此卽可以知公之爲人矣雍正九年歲在癸亥觀察王公懼其久而將湮也因命役修之易以豐碑視舊有加題曰明楊文正公之墓旁署公之諱字里爵蓋距公子改葬之歲六十有二年是時也龍南教諭楊某清江人來謁王公延以問公之後人云公已無後人旁支只一人貧薄不能自立已不知所之古云天之報施不爽其然乎其不然乎嗚呼忠義之心千萬世之心也夫人惟此心爲可久而遺骨往往不能必其不朽漢陵唐寢尙未可保然而忠臣孝子名人烈士塚墓所在後之人惟恐

其不存至於感歎欷歔奔走營護欲其永於天壤間此又人情之不可解者也公之墓遂能永終於不朽是未可知然而修於今之辛亥碣志儼然數十年後保無有愛敬前賢如王公者考其遺事遞相封殖庶幾可永使今日而任其淪於灌莽漸致無考豈不深人感歎乎然則今日之舉又曷可少公之抔土一日而存則在人心爲一日之幸也祥之文何足記王公能爲於舉世不爲之日此又人之所難者故不揣而書之

謁楊閣部墓記

粵都宋昌國 甫宜

贛城南郊有土穹然碑書明閣部楊公廷麟之墓公生明末造崇禎時由翰林改兵部職方主事尋貶其秩後授原職未赴都城失守公大慟哭募兵勤王宗室朱統鑣誣之兵旋散既而進兵部尚書兼東閣大學士與巡撫萬元吉同守贛州順治三年十月四日

王師克贛公與萬公督民巷戰不克死於水屍腐不可識部兵拾其佩刀曰此楊閣部也萬公亦死則不知葬所矣至今百餘年天下昇平久矣何公之墓而竟委之荒煙蔓草中耶贛縣鄧慕濂先生見而憫之爲豎碑書明史公傳

一篇行道之人皆知為楊公墓嗚呼公之精靈在天為列宿在地為河嶽誠無需此一抔土而人心不死終不忍其湮沒而必欲表而出之者忠孝感人實有所不容已也鄧先生素好義舉書碑者季弟光國也予與光國同謁公墓蓋為瞻仰徘徊而不能去云公清江人字伯祥

文筆道潔宋先生文大都如此李祖陶識



重修楊忠節公墓附祀濂溪祠記

邑人 黃觀海 潤菴

明東閣大學士兵部尚書楊公諱廷麟號兼山與督師兵部尚書南昌萬公元吉兵部尚書龍泉郭公維經同守贛城順治丙戌十月城陷三公同日死節我大清遼東將軍賈熊為右軍得兼山先生屍於清水塘中以四門楊瘞於西門外河上旋遭金王之變營西郊塚夷康熙甲戌公子來求屍將軍為改葬致祭成禮後十年墓復迷公門人甯都魏禧訪得之有拜墓詩意氣感愴迨乾隆十三年清江謝天翼司鐸興國再加修築距今六十餘年無有過而問焉者嘉慶庚午贛紳鍾僕慕公節義商之邑侯邱公安

楊忠節公遺集卷八
校勸士民醵金重修買民田拓其基周遭石垣完固南向
隙地丈餘採石成埠田契貼縣庫中墓臨西河上楊梅渡
灘兒下楊秀亭即公康大靈王廟右百步初紳士議建祠
墓上費不足中輟壬申八月余承乏贛學拜公墓相其地
濱大河不可建祠稟請南贛觀察查芸圃先生爲公立主
祀周濂溪先生祠而以所餘捐金助修濂溪書院都人
士屬余記其事以垂久遠俾後之攷者一覽而知焉萬公
赴水死郭公自焚死無墓可考同時死節三十餘人並得
附祀濂溪祠忠魂永奠並可無遺憾矣附記於此

重修楊忠節公墓記

會稽王藩 蓉坡

嗚呼忠義之理之不泯於人心也今猶古矣何可於楊忠
節公之墓任其陵夷淪沒而弗爲之營護也哉贛城清水
塘爲公殉節處某旣碑而揭之因而考其墓蓋藁葬於順
治三年賈將軍熊改葬於康熙九年公之子壽實始遷今
地一修於雍正九年王觀察世繩再修於乾隆十三年興
國教諭清江謝天翼三修於嘉慶十三年邑人鍾傑羅詩
瑞等并買民田拓其基環以土垣越今又三十五年矣墓
地濱河漲水齧其垣向無省視者官亦置弗問故易圯先
是陳刺史雲章寄金倡修當事者遷延不果迄潰於成亟

思踵成之尋以規建陽明書院工不可兼姑緩焉癸卯秋復理前議躬詣相度則頽垣斷碣中蔓草荒烟淒然入目勢不可緩急捐金以爲倡署贛事劉令恒泰繼之陳刺史聞而復自甯都寄貲與其事署郡訓導鄧恩林籍新淦於公爲同郡復告其郡人之在贛者贛教諭程景暉復舉贛士之一二好義者相率捐金有差此亦足以見人心之所同矣費集工興程教諭董其役肇於是年十月畢於次年正月垣周以石圍凡三十六丈有奇前崇九尺麗竇堅鞏癸築如式二月二十二日白觀察李公率官屬謁墓告成並議於十月四日值公殉節之期守郡者請祭一次歲以

爲例而某尤愴然有感於中焉夫死生亦大矣死於人所不死之地而不死於人所不忍死之之心謂之不死可也其所以必死者義也而氣配之也其所爲不死者理也而名附之也公於是乎不朽矣人之於公非惟欲不朽其名且欲不朽其骨則人心之直之有所致於公而非公之所及知也然而公之死也萬郭二公實同之郭燔於火萬亦迷所葬公之墓巍然獨存非人之所能爲也天也天之所存而或委置焉又聽其銷沈而湮沒焉豈人心哉抑聞之前記云公已無後人支族衰微亦無爲之後者此又天道不可知而人心有足恃矣今日修墓之舉其庸可已乎嗚

呼公之不死於人心者公之不朽於天壤也會工者確石
以記請於是乎書公前稱文正 國朝謚忠節宜改遵其
官爵事實詳在志傳不復贅凡與於斯役者仿漢碑例具
載如左

參軍行

華亭 宋徵輿 載文

檀州軍敗洑南陷鐵騎西山逼雲棧九門辛苦坐公卿按
兵不動有高監玉堂美人胡不平上書北闕苦論兵參軍
新命一朝下單騎夜出長安城是時主將盧司馬獨將西
兵兵力寡不教國士死黃沙別遣參軍向城下參軍不行
司馬嗔參軍既行軍伍陳北向再拜謝至尊曰臣象昇死
國恩鼓聲圍闐軍出壘司馬一呼創者起三萬邊兵夜合
圍孤軍雖勝終鬪死朝廷頗輕死事功翻疑訟疏多雷同
司馬幾受斲棺慘參軍一官成轉蓬嗚呼權臣報復有如
此疆場誰肯據孤忠

此紀賈莊之敗也高監名起潛參軍楊廷麟時樞
輔楊嗣昌嫉盧忠烈正直不與援兵高起潛擁兵
坐視忠烈與大軍戰重創死嗣昌誣以降又誣
以遁後至斷棺廷麟力辯其冤得免忠佞顛倒如
此明室所以屋也後參軍亦以守
城死虔州沈德潛別裁詩集原注

臨江參軍

崑山 吳偉業 梅村

臨江髯參軍負性何貞烈上書請賜對高語爭得失左右
為流汗天子知質直公卿有闕遺廣坐憂指摘鷹隼伏指
爪其氣常突兀同舍展歡譁失語輒面斥萬仞削蒼崖飛
鳥不得立予與交十年弱節資扶植忠孝固平生吾徒在
眞實去年羽書來中樞失籌策桓桓尚書公提兵戰疾力
將相有纖介中外為危慄君拜極言疏夜半片紙出贊畫
樞曹郎遷官得左秩天子欲用人何必厭顯職所恨持祿
流垂頭氣默塞主上憂山東無能恃緩急投身感至性不
敢量臣力受辭長安問走馬桑乾側但見塵滅沒不知風

慘慄四野多悲筋十日無消息蒼頭草中來整暇見紙墨
唯說尙書賢與語才挺特次見諸大帥驕懦固無匹透撓
失事機倏忽不相及變計趣之去直云戰不得成敗不可
知死生予所執予時讀其書對案不能食一朝敗問至南
望爲於邑忽得別地書慰藉告親識云與副都護會師有
月日願恨不同死痛憤填胸臆先是在軍中我師已孔亟
剽剽斬亂兵掩面對之泣我法爲三軍汝實饑寒極諸營
勢潰亡羣公意敦逼公獨顧而笑我死則塞責老母隔山
川無繇寄懷惻作書與兒子勿復收吾骨得歸或相見且
復慰家室別我願無言但云到順德犄角竟無人親軍惟

數百是夜所乘馬嘶鳴氣蕭瑟椎鼓鼓聲哀拔刀刀芒澀
公知爲我故悲歌壯心溢當爲諸將帥揮戈誓深入日暮
箭鏃盡左右刀鋌集帳下勸之走叱謂吾死國官能制萬
里年不及四十詔下詰死狀疏成紙爲涇引義太激昂見
者憂讒疾公旣先我亡投迹復奚恤大節苟弗明後世謂
吾筆此意通鬼神至尊從薄謫生還就耕釣志願自此畢
匡廬何嶽業大江流不測君看磊落士艱難到蓬華猶見
參軍船再訪征東宅風雨懷友生江山爲社稷生死無媿
辭大義炤顏色

此所謂詩史也不徒敘參軍卽廬尙書戰敗事蹟亦隱括其中慷慨嗚咽氣格直逼杜陵李祖陶識

伯祥太史講學明宗書此寄之兼示諸子

邑人錢應華

吾儒實用在明宗肯信姚江不再逢海內祇今需大略臯
比擁坐語從容

江湖魏闕意如何老我年來白髮多舒嘯林臯無一事春
風聽汝樂絃歌

按清江縣志明宗書院在南薰門內明宗禎九年
知縣王心純建中為堂四楹祀練中丞子甯後為
講堂號舍前左為亭有魚池果樹之勝又捐置田
五十畝自為記時楊閣部廷麟以太史退居講學
其中兼與諸生習射後植節之士多出其從遊者
明末燬於兵惟一亭存尋亦圯矣楊世儀識

楊翰林伯祥過邸中投贈

華亭陳子龍卧子

雲氣層層紫殿重夾城微雪覆芙蓉誰能人物推劉劬何

處災祥難蔡邕是日雜論時人我著玉杯無使者君傳金

管近昭容才名亦是千秋事翹首燕山萬仞峰

莊黃門傳見前按明史朝佑嘗疏論溫體仁六
大罪其一有日月交蝕星辰失行風霾迭見四方
告災歲比不登地震河決地陷井枯等語意莊釐
獻十二策中亦論及此故有災祥之句陳集原註

楊伯祥太史奉使冊封蜀藩予遇之吳中作詩贈行

兼述舊懷也

考證明史地理志四川成都府成都縣以洪武十
一年建蜀王府又諸王傳蜀獻王椿太祖第十
一子洪武十一年封二十三歲就藩成都性孝友
慈祥博綜典籍容止都雅帝嘗呼為蜀秀才時諸

王皆備邊練士卒椿獨以禮教守西陲川中二百年不被兵革精力也萬曆四十三年至澗嗣崇禎未京師陷蜀尙無恙未幾張獻忠陷成都至澗率妃妾投於井

帝圖分白社漢節抵吳天劍佩辭華蓋風雲接錦川
桐圭虞叔重珍玉魯侯專宗望誰爲首文昭向比肩
西南迴地紀井鬼直星躔益部稱雄鎮華陽有舊編
昔聞高帝子獨數獻王賢禮樂存餘器經書更幾傳
至今朱邸貴猶擅綠池妍玉輅頒王命金闈輟講筵
乘傳來北極捧檄喻西偏上苑推司馬靈祠頌子淵
到吳秋渺渺入楚月娟娟九派魚龍宅三湘橘柚邊
猿啼星漢影鳥道薜蘿煙自解江皋佩還成巫雨篇
雲深神女廟風勁屈平田虛壁秋容壯空

山象緯懸丁香花杳冥么鳳羽翩翾絕岸巴歌冷平沙
石陣圓波濤恆隱馬瘴癘欲跼焉丞相祠堂在公孫伯業捐
旌旗隨羽扇巫覡醉神絃今日夔天險還同漢幅隕使星
驚李邵織女犯張騫飛蓋循芳草鳴騶擁曲旃初辭灌口
馬復入錦江船負弩平郊盛張筵法饌煎諸侯閑國禮父
老聽王宣枸醬傳殊品嘉魚出異鮮子侯貽麗錦官伎乞
名箋卓女今誰豔揚雄可尙玄兼稱採訪使莫作浪遊還
劍外豺狼滿川東羽檄纏庸知無李特妄意學劉焉宰相
迴翔處英雄割據權弗令形勝地常在甲兵前我已歌吳
市君方備漢員耽文分甲帳努力事丁年萬里橋邊暮相

思託杜鵑

夢與楊伯祥同舟語時事時伯祥使蜀方歸

前人

何時旌節更東游予夢同乘青翰舟共歎黃巾殊未息似
攜紅錦坐相投子雲詞賦誇巴蜀逸少山川問益州頗憶
籌邊樓上客劍南棧北盡堪愁

人日寄贈楊機部太史充東宮講官 前人

玉樹朝暉接畫幡經橫青禁日臨軒鳳條已見棲荀邃龍
翰還應讓邴原機部以講席讓予綵勝競傳春綺麗御香
分賜夜清温知君講罷西河上可憶垂綸傍海門

戊寅除夕

前人

朔吹寒花載酒過流澌一夜滿江河音書斷後憑烽火歲
月驚心長薜蘿五餌事虛龍帳入四愁歌遍雁門多請纓
無計悲華髮徒作詞人奈爾何

愁聽鼓角路漫漫柏酒盈樽未忍乾揚子驛前頻問訊滹

沱河上寄加餐時警日急予每遣使從江上幕府問鶯花

豈獨滄江穩甲仗猶憐太白寒虛擬明春游五嶽那堪此

夜憶長安

按宜興縣志盧象昇傳崇禎十一年十一月楊廷麟以兵部主事參象昇軍象昇即於是年十二月十一日戰死賈莊廷麟以乞餉真定得免先生此時應未及知也陳集原註

寄楊伯祥

前人

候火清笳夜月明漢家誰為請長纓侍臣親下承華殿大
將分屯細柳營鳳詔頻煩中使貴龍韜悉護羽林兵知君
絲筆干雲氣鏡吹春風滿百城

送楊伯祥還豫章

前人

閨門雪花飛十日津頭樹折江波立美人扁舟玉袖寒飲
我百杯壯顏色自言清時方罷官西去翻然拂釣竿香鑪
春陰松檜薄潯陽月黑蛟龍蟠雷雨冥冥來窈窕蕙網羅
帶山之端憶昔 滿畿甸燕山吹沙踏河縣君也發憤
上封事夜半宣呼紫宸殿匹馬自迷潯陽兒晨馳趙壁如

飛電邯鄲城南晝草檄潯沱河旁夜傳箭王師二月盡驅

三十六軍隨羽扇吁嗟我謀適不用坐使 兵穿塞便

男兒不願生封侯但願當世無百憂眼中不見讒諂士杖
藜飽飯何所求西望空濛數千里北流浩浩章江水君歸
讀書雲壑裏託跡何須混鹿豕逃名未免公輔望端居尙
負蒼生耻異日徵書下傅巖應有三篇獻天子

寄懷楊機部太史時機部以漳浦之獄有連

前人

汝從高卧豫章城何減關西伯起名鉅鹿風塵餘部曲匡
廬煙霧擁諸生清時黨錮非難解亂後音書倍欲驚此日

楚臣愁獨醒滄浪東去不勝情

枯魚過河泣

前人

滄江老翁倚竿立清晨舉網白魚入吳姬素手霜刃寒錦
鱗錯落黃金盤盤中雲氣徒五色須臾旨酒調椒蘭魂魄
飛沈隔河水云是東溟赤龍子九江元龜亦被收紛紛見
夢誰為理胡僧咒海海欲枯蕭家大鳥來蓬壺珠宮貝闕
盡傾倒誰言可豢不可屠寄語羣龍莫輕見大澤深山任
舒卷三春雲雨出岱宗青天為爾生雷電

按是詩似痛悼唐蕭汀州之難而並傷楊萬兩公
也通鑑輯覽順治二年十二月楊廷麟請唐王
蘇觀生以事權悉為鄭氏所握請韋鍵出贛州三

年二月韋鍵決意入贛鄭芝龍合軍民遮道呼號
自延平倉卒出走抵順昌聞追兵且至騎而奔
日延汀州大兵奄至從官奔散韋鍵就執死於
福州十月大兵克贛州故明總督萬元吉兵部
尚書兼東閣大學士楊廷麟皆投水死詩中龍子
疑指唐王九江元龜則謂廷麟也時曾王浮海至
門走南澳倖而獲免故有大澤深山之句岱宗雲
雨困而得亨其即少陵哀哉王孫慎弗疎五陵佳
氣無時無之意歟或謂順治三年十一月桂王由
榔稱號於肇慶唐王聿錫稱號於廣州日尋干戈
自相攻伐恐其為鵠蚌之爭故有寄語羣龍二語
岱宗雲雨則指魯王也陳集原註

清江楊文正公死難贛州有營卒瘞南城外三里道

予求之數發土亡其故處

中夜結私禱庶幾神靈來何當夢寐間憤憤不我開烈士

亦有不食粟餓死無所悔有不履地人擅車卅餘歲殷墓

楊忠節公遺集

卷八

七

清江楊文正公死難贛州有營卒瘞南城外三里道

予求之數發土亡其故處

甯都魏禧叔子

中夜結私禱庶幾神靈來何當夢寐間憤憤不我開烈士

亦有不食粟餓死無所悔有不履地人擅車卅餘歲殷墓

來周封榮之以為愧鬱彼泰山松乃使秦官貴

拜楊文正公墓

有序

前人

清江楊文正公廷麟以丙戌殉義贛州遼東賈將

軍收葬之事詳崇禎御書記往禱求公葬處不獲

己未九月就醫泰和過贛得從賈公子尋公墓而

拜之因遂有詩蓋其家人十年無至者矣墓臨西
河上規制甚微在楊梅渡灘兒下楊秀亭康大靈
王廟右百步有碑

荒塚斜陽亂草青布衣此日拜門生長年魄戀忠誠府巨
古神依箕尾星兩岸蓼花紅有淚一江秋水澹無聲孤魂
最是難聽處盍且枝頭徹夜鳴

讀叔子先生拜墓詩時方修公墓附跋卷末
言荒塚則墓與齊民無異言孤魂則歲時缺祭典可
知不特蓼花秋水一聯令人悽絕也叔子先生求拜
於前清江謝先生天翼繼修於後當時隨便經理毋
亦慮事有所忌歟乃知
盛朝度越百王
賜諡褒美煌煌忠節之稱炳耀千古建祠設祭夫復何疑
今斯舉也要當鄭重以垂久遠是所望於仁人君子

之肩其事者壬申九月
既望後學黃一桂記

喜小范孝廉至兼弔楊機部閣學 長洲葉襄

萬里清江浪抱天故人消息動經年重來麋鹿長洲苑歸
去荒蕪彭澤田虎帳角殘辭部曲龍沙旗折偃戈船盧謀
淪落劉琨死回首章門一惘然

清江相國楊伯祥先生以單兵堅守贛州城破死節

哭之以詩

湖南盧傳來

章江之水萬派清相國之死千秋生一白出山揮羽扇幾
番叩闕請長纓中興百戰誰名將南贛九州無降兵憶昔
春風叨末座只今秋淚變猿聲

謁楊文正公墓

張玉楷

步出城西門遙望楊梅渡行行二三里稅於楊公墓公墓
臨章江遺碑尚鞏固華表冷風霜亂草和煙霧感此傷我
心我心增欽慕憶昔明季時人盡身家顧公不顧身家惟
思扶國祚慟哭而勤王兵散復召募新軍號龍武狼兵擬
飛度退保虎頭城以塞閩粵路一旦命維新 王師共
奔赴堅城旋失守母乃天之數民雖悅其蘇公不改其素
捐軀報主恩臣節真不汙正氣塞兩間鬼神暗呵護假手
賈將軍當年安安厝墓同比干封壠禁採樵步凜烈萬古
存千秋埋玉樹章水咽悲聲崆雲篆香炷撫此幾徘徊惆

悵匪朝暮

語語渾成字字清切後半尤極得體李祖陶識

哭楊文正公殉節詩四首

建昌魏應桂 髯公

慘慘若為秋轟空太白流火昏天不應末劫運難收諸夏
衣冠種少康成旅謀百分無一望忍說幸虔州
跋履度重關經營三載間誥文姬日授將畧武侯嫻江漢
才偏潰東南勢驟闌鞠躬今已矣箕尾儼天班
鐵騎擁如蜂咨嗟相國容竊官纔比鼠效命識猶龍兩水
增悲岸孤臺纍恨峰良心人不昧知己向誰逢
為位向天南焚香讀舊函茂宏名過許鄧禹笑應甘新血

楊忠節公遺集卷八
將垂減者年倏易添斬衣酬國士徒慟古無慚

弔楊兼山老師八首遺三

邑人黎

騫瀟雲

朱雀橋邊認劫灰歌殘玉樹北兵來申胥七日秦庭泣諸葛三軍瀘水開僕射哀思終化石中丞遺恨在登臺鬱孤渺渺千年事黃石陰符沒草萊

翠華無路盼南安勢去應知拒險難厓嶺西風生白裕小樓燕雨誤黃冠旌旗猶向勤王壘煙水空圍誓將壇萬古綱常臣一死壯心中夜斗杓寒

寒山昔日賦離居幕府秋生雙鯢魚忍淚再看丞相表傷心一讀孝廉書能禁故國歌鐘恨翻憶長淮鎖鑰疎水到

園林知幾折孤魂應爲泣金輿

雙輶詰曲走龍蛇看盡冰霜到永嘉仁義由來生氣數死生當不負公家愁深肅肅三千士淚入清清十八笳雲漢在天常照地英靈爲岳果無涯

端敬宮前木葉多梅子青青馬渡河佳人一夕皆塵土壯士於今猶漢歌王氣淒涼哀北闕功名慘澹說南柯崔痛哭遺經在咫尺州門不忍過

按同里黎太史瀟雲先生騫明吏部郎中祖壽之子才奇學邃博極羣書

國朝順治初年拔貢生康熙十八年舉博學鴻詞

召試二等與朱竹垞尤西堂輩同授翰林院檢討所著有玉堂集明末楊忠節公里居時講學明宗書院先生亦肄業門下故詩題有兼山老師之稱惜前

三首已佚不獲觀其全耳邑後學楊世儀附識

寄題臨江楊先生祠

見清江縣志

王士正漁洋

蕭江襟帶古祠堂祠外山高一水長夜靜魚龍尚悲嘯歲寒松柏自青蒼綸巾諸葛真名士楚些三閭弔國殤秋菊春蘭竟終古雲車風馬日飛揚

八境臺感舊弔機部楊公次壁間王觀察登城十首

原韻

新建李湖

踰河蹈海立王都西粵東閩另一隅已借屬鏤誅伍員旋看麋鹿上姑蘇紛紛巾幗中原滿落落乾坤正氣孤何處雲藍歌子夜官家新拜執金吾

盲風怪雨撲寒窗珍重萸宏血一腔蹲甲尚堪穿七札洗戈直欲挽三江縱無從事能傳命未有將軍可作降灑泣登陣更長嘯誰憐國士竟無雙

烈火烽煙處處聞昆岡玉石也俱焚楚亡尚自存三戶罷卧猶能張一軍無地可尋乾淨土有天不辨糺縵雲憑誰共灑新亭淚祇合惜騰對夕曛

千金不覓解飛人檀板紅牙海上春中禁洗兒恩匣匣兩宮湯藥使逡巡歌窮午夜翻新調利析秋毫有占縉玉樹庭花千古恨江郎甘作具官臣

道旁築室竟何成自分孤生付結纓國論誰叟騰市虎行

聞蕭索撤廂兵時無司馬扶中極剩有神鈴撼五更憑仗
樸忠堅壁壘賀蘭山札亞夫營

積甲真堪熊耳齊匝天犀兕大江西膏塗肉薄連三楚箭
直刀橫過五溪石馬神回天路近砲車雲起陣樓低和門
倚戟占星象河鼓無聲烏夜嘯

一首橫飛淬佩鉤懶教和藥趨朱游神焦鬼爛餘三土地
老天荒更九州志決湘纍依故主身殲鈴閣遺輕裘白頭
舊侶溫殘夢猶自魂銷百尺樓

四野燐青鬼火燒破巢完卯夜迢迢西華葛帔同文祿東
海桑田蹴怒潮自是漢家天誅蕩不緣晉室將宣驕請看

釋甲封雍齒玉帛還隨萬國朝

艱難一旅鎮相持抵死終猶抗我師血肉久拚歸馬草弓
刀真不負金羈為臣為子都成是全受全歸自合宜獨弔
遺蹤三歎息嶺梅花發最高枝

日影坡陀下石澗鞭絲策馬控歸鞍山河有恨成陵谷天
地無私屬縣官自昔弄兵由赤子於今稽首盡呼韓三山

五嶺 天王地莫作當年督亢觀

前以南都作緣起後以天朝為歸宿十詩皆切響堅光句奇語重所謂擲之地下皆錚錚作金石聲者次韻得有此詩可以知恭毅公之為人矣後學李祖陶識

拜楊忠節墓詩

錢塘程綬

牛壁江南付劫灰孤軍猶障鬱孤臺已看虎旅從天降空
借狼兵過嶺來入境張皇烽火急雙流嗚咽水聲哀傾危
一木難支厦休說書生少將才

荒郊西去夕陽村華表巍然樹墓門大碣幾遭江水齧巖
疆猶記陣雲屯柳車倉卒勞軍將麥飯淒涼泣子孫嶺上
梅花同一哭千秋憑弔兩忠魂

拜楊忠節公墓并寄石瑤辰權守詩

侯官 陳雲章 秋河

力守孤城勢不支殺身未肯豎降旗江山半壁勤王日忠
義千秋報國時激浪有聲哀贛石懷沙無語怨湘纍至今

碧血長埋處尙想丹心照水湄

題詩曾與和梅村今日居然拜墓門故國無人綿血食他
鄉有地葬忠魂碑陰剝落蒼苔蝕牆角傾頽白浪吞寄語
使君重補葺爲扶正氣壯乾坤

楊忠節墓追次陳秋河刺史韻

嘉善 郁鼎鐘 彝齋

天壓殘疆壞莫支軍門空復建牙旗孤城視死如歸日百
戰餘生盡瘁時早擬懷湘成志潔未甘覺鼓辱臣纍一坏
畱與人憑弔嗚咽灘聲起水湄

牧童重見禁江村許我披榛謁墓門二百年來猶護壠一
千里外就招魂欲獻家國情何極寂寞河山淚暗吞莫悵

五忠祠蹟渺自留正氣在乾坤

楊忠節公墓次陳秋河刺史韻

程景暉

大廈傾難一木支救援空望粵中旗更無勁旅回天力正
是孤臣殉國時玉帳並存心耿耿青燐莫辨塚纍纍寶刀
戎服餘生氣應有清風起水湄

佳城重築役西村木落霜清掃墓門節廟謝文酬素志義
高彭魏慰幽魂天涯殘壘風猶烈地老荒江泪暗吞
聖代褒揚隆賜謚臣忠勝國道符坤

清水塘弔楊忠節

侯官陳雲章秋河

南都已破江南平 大兵直薄南昌營郡縣望風盡納款

勤王誓守虔州城唐藩手書曾親授白面提戈儼甲冑軍
謀始共劉同升兵餉兼籌李永茂太和副將軍既債乘虛
克復吉安郡特加樞部晉綸扉賜劍便宜倍感奮吉安旋
失副將歿東粵援兵遠調發峒蠻就撫張安來龍武新軍
悉勁卒狼兵精銳義旗起張安戰敗梅林裏維時退守憑
孤城援兵來救圍才解水師復敗援兵亡汀州告變心惶
惶贛圍半載守陣哭登城督戰鋒誰當激厲士心眾志壹
力屈長吁臣命畢生恨不斬楊嗣昌死竟甘同萬元吉當
時肝膽皆忠義在位諸公半死事自命兼山文謝間見危
不負平生志 聖代褒忠特表微只憐無主薦江籬蕭

蕭清水塘邊過彷彿悲風動素旗

清水塘弔楊忠節

海鹽黃憲清

慷慨臨江挂戰袍南天一柱卓金鰲虎頭城郭當關苦龍
武旌旗跋浪高吏部餘光爭日月孤臣熱淚瀉波濤寒塘
夜半蛟螭泣星斗闌干動佩刀

清水塘弔楊忠節

錢塘李本仁

梅林戰鼓散驚雷蠻洞猶呼鐵甲來下瀨樓船風浪惡橫
江鎖鑰火雲開刀環慘澹軍千騎馬革蒼涼土一坏日暮
招魂薦蘭杜寒塘嗚咽水聲哀

同時殉職職官士民得諡入祠攷

郭維經

江西通志郭維經字六修龍泉人天啟進士授

力詆吏部尚書王永光疏陳時弊極稱劉宗周之賢
儒罷溫體仁代之維經言執政不患無才而有才而用
之排正人不用之籌國事國事日非止與二三小臣
爭口舌角是非平章之地幾成聚訟可謂有才耶帝
切責中府撫甯侯張捷薦逆案呂純如維經疏劾又
劫掌中府撫甯侯張捷薦逆案呂純如維經疏劾又
立進應天府丞仍兼御史巡視中城尋遷大理少卿
僉都御史保國公朱爾弼言維經署大理事駁回籍
禦使武懋案執法之官甘鹿逆乞重懲聽勘回籍
唐王召為吏部侍郎與楊廷麟萬元吉協守贛州及
城破入嶺峨寺自焚死國朝乾隆四十一年
賜諡忠烈

萬元吉

贛州府志萬元吉字吉人南昌人天啟五年進

走聞時官南京職方司郎中福王立仍故官南都覆
寡唐王詔擢元吉兵部右侍郎兼右副都御史總督

江西湖廣諸軍事守吉安約東甚嚴諸將滋不悅及
是皂口元吉不能禦入城六月大兵乘勝抵城下給事
中楊文薦過贛自任守禦六月副將吳之蕃以粵東
元吉兵部尚書漸解王聞贛圍久獎勞賜名忠誠府加
龍士蘇觀生遣兵如之兩廣總督丁魁楚亦遣兵四
千楊廷麟又收集散亡得數千先後至贛營於城外
中書來從請戰元吉需水師至并擊八月募水師屯南
安諸將請即夜截諸江焚巨舟八起龍經部四千餘人
師盡失諸路軍潰去城中止起龍經部四千餘人
城外水師後營二千餘人而己會聞州破元吉遣騎
震懼十月師出城其家人潛載其妾總城破元吉遣騎
先是禁婦女出城無敢出者及城破諸將擁元吉
追還痛捶家人城無敢出者及城破諸將擁元吉
出城元吉歎曰為我謝贛人使闔城塗炭者我也我
何可獨存赴水死時年四十四有闔城塗炭者我也我
十年賜諡忠節入祀忠義祠

楊文薦

贛州府志楊文薦字幼宇南直金山人進士元
急自任守禦城中賴之唐王詔加文薦巡撫南贛兵
部右侍郎兼右僉都御史與元吉日夜登陴積勞成
疾城破被執送南昌絕粒而卒國朝乾隆四十一
年賜諡忠節入祀忠義祠

以上三公通諡俱見本傳

胡纘

建昌通判一作臨江推官桐城人

吳國球

贛州推官署知府事籍貫未詳

郭甯登

監紀通判籍貫未詳

王明汲

贛州同知一作通判金壇人

淦君鼎

江西通志淦君鼎號四極建昌縣人崇禎歲貢
同楊萬守贛州府學司訓丙戌吉州陷君鼎與諸生
勿以吾為憂城陷不屈死先是次子宏祐傷箭不起

是日三子宏祉於解中以詈罵被殺妻熊氏宏祐婦
熊宏祉婦李孫關生秀貞婢呂氏端香輩并赴井死
惟宏斌脫歸備識

林逢春 一門貞烈狀云 一作全春贛縣知縣福建人

馬觀鵬 贛州副總兵進階飛虎將軍順德人

陳烈 贛州參將南昌人

朱永盛 長甯營參將汀州人

袁從鶚 一作諤中書舍人彬州人

黎遂球 贛州府志黎遂球字美周廣東番禺人天啟七
年舉人陳子壯稱球博學幹敏可當方城之寄

南都再造球建中與碩畫十事累萬言大要以援
為第一義詔授職方司主事提督兩廣水陸義師應
援虔州初屯南安既而入贛城與楊廷麟萬元吉等
登陴固守及城陷球下城督健卒數百人巷戰勝中

三矢墜馬死之弟遂球僕盧從贊等三十餘人同日
戰死球贈太僕寺卿加贈兵部尚書諡忠愍

於斯昌 一作于斯昌兵部主事黃岡人

林琦 一作挺戶部主事閩縣人

王其宏 江西通志王其宏字赤友安福人御史績燦子
崇禎副貢力能挽兩石弓嫺韜畧慷慨自負給

事陳泰來薦軍前贊畫以守邊功議授推官旋遭
賊之禍歸里與兄其定弟其隆其密破產仗義從
元吉守贛州城破殉節弟其隆同邑孝廉劉孟鞠劉
應泗俱被難

周瑚 兵部職方主事太名人

萬發祥 新喻縣志萬發祥名養正字以行世居城北通
瑞門故號瑞門十六補邑諸生博學才高慨然

有經綸天下意親歿哀毀骨立服闋應科試督學侯
公嗣曾拔置高等宮諭馬公世奇己卯典試江右獲
馬同考官萬載合唐昌齡評其策有忠肝義膽可覘
他日立朝之語會試乙榜邑中夫馬糧解折布諸大弊

錢謙亨

傳見詩集

柳昂霄

工部主事一作兵部籍貫未詳

皆條議一除於兄弟資產讓美就惡嘗建宗祠以奉
先睦族一遵古法人有善必獎掖之有犯不校也至
事關名教則發憤抗言矣未會試為掌科吳公麟徵
所得殿試改庶吉士第十人時復行館選吉水李公邦
舉就試改庶吉士第十人時復行館選吉水李公邦華
死殉難往哭之被獲賊欲授以官又不屈觸賊牛金星
細來者再死而復甦又押赴西市不屈觸賊牛金星怒
大兵至闕潰間道南歸郡人詣編修楊廷麟素衣冠北
向哭盡繼以血廣信舉人劉日杲素懷忠憤衣冠北
對之必哭日杲為作貞女歌已而唐藩建號福州楊
與萬公元吉同奉命視師南贛而唐藩建號福州楊
中從守贛及圍急楊守大南門發祥守小南門丙戌
十月三日城將破猶躬擐甲督將校戰城上矢集
種笠不少卻天將破猶躬擐甲督將校戰城上矢集
輯其遺文崇祀鄉賢忠孝祠身加三刃而殞弟衍祥

曾嗣宗

魏和公傳曾嗣宗字元聲甯都人相國楊廷麟

事從師吉安敗退保贛州將入城為守死計楊公謂

嗣宗曰事急矣毋從我嗣宗曰與相公共事久奈何

乘危而去卒入城俱死焉同時有貢士楊文琦字玉

震亦與廷麟共料城守事死之文琦從兄燧字心唯

泰昌恩貢士庚寅邑城破燧衣制衣自經死

劉孟錡

一作鞠中書舍人安福人

劉應試

一作駟通志作應泗安福人

以上二十一人

國朝乾隆四十一年通諭烈愍

盧觀象贛州府志盧觀象字子占贛縣人萬歷丁酉選

知左光斗巡撫南畿議復司農在應蛟所劾屯政論

者以濱海斥鹵旱勞不時勞不償費觀象力贊之條

易忠節公集卷八

陳九議鑿鑿可施設張慎言代為巡撫嘉其才力薦
之值瑞勢熾遂引退時丙戌城破楊萬二公殉節觀
象語老友月世光其子芫妻妾家口四十餘人先赴池隨
北向拜泣幸其子芫妻妾家口四十餘人先赴池隨
從容與世光相

彭期生

撫楊邦憲風有進士彭期生字觀民浙江海鹽人萬曆四
不發一緝風湖西道走贛州賢祠期生力持不可卒
常寺卿兼江西北道使管嶺北道事黃穀為巾加太
緜繩繫劍曰斯二物所以報國而殉生者贛州被圍
滇越兵招之走出期生曰此死所將安往書絕命
詞五紙授五蒼頭曰有一人歸此即計音矣冠帶自
死

龔棻

龔棻南昌府志龔棻字建木南昌人崇禎進士乙酉
語大獄盡誅東林之士英持不可江西南陷棻入闈謁磨
起

程必進

王授廣東推官以招伏海寇羅亞福功晉吏部郎中
大兵臨福州萬元吉督師出鎮贛州期不敵亞福敗僅
南乃免蔡元吉謂棻曰公無城守責留此無益宜出
絕城且破元吉謂棻曰公無城守責留此無益宜出
為後圖棻伴諾之數日元吉復趨之棻厲聲曰行矣
拜赴水死子兼生聞父沒復集師於茶陵戰死
程必進贛州府學訓導加銜監紀同知松陽人

龍嘉震

江西南通志龍嘉震字和人宋震翁族也崇禎壬
午舉人授中書閣部楊廷麟監軍萬元吉守贛
時辟參謀城陷二公死嘉震自經殉焉初母王氏病
劇嘉震割股和羹飲母病尋愈中丞林一柱表其門
節忠孝兼重馥至是死

姚奇允

贛州府志姚奇允字有僕浙江錢唐人嘗從黃
華上疏請東宮監國守南京上心動會有阻之者遂
不果奇允授南海知縣有善政入為兵部主事改御

史巡按廣東未任聞贛圍急與郭維經募兵同援城
破肅衣冠縊於文廟其子端字以式亦死節於柳州

姚生文 湖東道仁和人

吳世安 監紀推官歸安人

徐必達 一作劉必達副總兵南昌人

彭 署兵備僉事甯都人傳見前

楊 燧 邱邦士傳公諱燧字心緯姓楊氏世為甯都城
時四方盜賊蜂起兩京淪陷公撫膺飲泣不欲有生
公曰燧年已六十餘衰疾尋不能效馳驅冀邀君
父以謝得與相重握道故幸也苟其不然則一
死以謝知已畢生平之事貪生以辱身吾不為也文
正公壯之執公手曰今日事需招致豪傑相與佐理
君即不能豈無才子姪可共事者乎公乃薦其從姪
文琦遂題授兵部主事同守贛城丙戌城將陷交正

謂文琦曰事急矣毋從我死文琦曰與相國同心戮
力死置此身於度外豈今日見危遂覩顏以逃乎竟
同死贛城時公避亂山中聞贛城陷文琦與相國殉
義痛哭無時披髮狂或再曰吾髮不可除身不可辱
城真寅邑城破公謂家人曰吾髮不可除身不可辱
掠見相國於地下無媿遂冠帶自經死三日後兵入
生咸歎異之
以上十一人

國朝乾隆四十一年通諭節愍

劉日任 江西通志劉日任字勿仙贛縣人御史思謙之
自誓以死報國及吉安失守時江西郡縣僅存一贛
州日任與楊萬諸公共圖守城被執死之子良
茲亦被殺良母黃氏妻謝氏婦周氏俱赴池水死弟
曾氏姪良羽俱按井死弟婦宋氏自縊於樓惟弟
竄伏得免尋以
哭母兄而亡

唐周慈 生員零陵人

楊文琦 布衣通判熾從子曾授監紀之職甯都人

月世光

謝讚

楊萬年

孫經世

徐餘慶

郭其昌

聶邦晟

董讚

馮復京

楊麗天 一作陽麗天

徐孝義 一作余孝義

金之杰 俱贛州紳士

謝明登 贛州府志有兩謝明登一諸生一鄉約

以上十六人

國朝乾隆四十一年俱入祀忠義祠

符遯中

新喻縣志符遯中字助奇新喻金田人參議觀
之裔孫兄弟三人遯中崇禎丙子鄉試丁丑
捷南宮初授江西南旌德縣尹再知浙江德清縣兄道
中廩生述中副榜國變日兄弟即矢志殉難會聞闕
臣楊廷麟起兵勤王遯中述中即傾家招集義旅赴
之廷麟題陞遯中廣東僉事趣之去遯中曰出山本

以為國非為官也辭不受職竟與楊萬諸公同殉贛城土人瘞之江干至今子孫求歸其骨不可得或曰今贛州府小南門內水濱有五塚纍然相連者是即楊閣部廷麟萬黃門發祥錢王政謙亨暨遯中述中之遺骸云道中先

符述中 推官詳見前傳

楊定邦 鄉貢 傳 楊定邦清江人行第四初以拳勇聞於長文正召致幕下生平直質不阿遇事盡言夫被親任屢著戰功歷官副總兵城破猶巷戰求文正同殉力緝被執械至江省副總兵城破猶巷戰求文正同殉言曰吾本農家受知相國官至副將尚何求哉以得死為幸終不為人用也乃殺之

傅 鵬 清江城人行四初選中約義勇後從鄉兵部舉楊廷鴻 鵬義授閣標都司丁亥正月十九日戰死

楊廷鴻 從文正授業器之遂以文章名諸生從事處南

歷官僉憲奉檄募上杭得兵千人突圍而入城破死之

黃介中 傳見詩集

黃尚寶 鄒瑄傳黃尚寶字善卿好學能文饒智計文正有事虔南召為記室參密議虔圍六月轉數邑

米鹽以餉戰士虔城賴之破被執不屈死 歷監紀通判改兵部司務

曾應文 字純甫邑庠生授監紀通判督餉興國城破死

鄒瑄 傳見詩集

龔善選 傳見詩集

胡董明 雩都訓導雩都人

劉天駒 南昌府志劉天駒字季駒新建人崇禎武會試疏薦天駒才可用會袁州天井窩土寇肆掠天駒

監郭雲鳳等軍勦平之甲申與清江楊廷麟等共倡

義勤王馬士英阮大誠喉朱統顯誣以不軌狀經袁繼威疏辨事得解金陵失守天駟趨贛州總督李永茂所扼守龍泉黃土關叙功晉右軍都督府同知吉安陷與廷麟入贛州併守援絕餉匱城陷械天駟送南昌巡按吳贊元總兵金聲桓勸之降不聽遂就刑諡忠烈

黃肇基 主事南昌人

蕭瑛 新喻縣志蕭瑛字子見新喻人從楊兼山先生遊有聲諸生間甲申聞變即與其族祖清邑庠

生子佩暨同里諸生錢鍾和等慷慨泣下抱枕戈之志後俱歿於兵燹問者哀之

吳璧 洪安郡庠生家於虔州初買舟挈孥入山聞閣督帥師至復入城同諸紳士固守破城死之

錢崑 諸生新喻人

段之渾 庠生廬陵人

鍾和 新喻縣志鍾和字羹若新喻王里人弱冠遊郡庠師事楊機部先生文名藉甚繼備於玉峽會

御史家都城陷御史起兵勤王和慨然相從兵敗散去復仗義於其鄉後上贛與楊閣部萬太史同時死

王純 諸生贛州人

王統 諸生贛州人

吳時珍 贛郡學生

趙光裕 職員贛縣人弟連城諸生子雄飛諸生俱死之

張大誥 諸生贛縣人

劉恩光 廩生贛縣人弟用光諸生子先魁即魁俱死之

劉起鳳 諸生贛縣人

蕭廷上 諸生

謝武烈 武舉并四子亦死之

鍾昌期

諸生

廖任隆

諸生

廖宏志

諸生

廖日閑

諸生以上俱興國人

曾聯甲

興國人

莊日敬

郭子魁

郭以和

黃甲

周葵

陳君猷

陳必昱

及族眾三百餘人俱死之

趙廷瑞

書工

熊國本

織人俱贛縣人

以上諸人散見於各家紀載及郡邑志乘爰附誌之

以上諸人皆良效各案詳錄文海昌法乘愛州清之

翰因本 蘇人其前漢人

鐵鼓 善工

刺心 是 又 蘇 累 三 百 餘 人 其 亦 六

刺 錄 增

保孤遺事

江西通志彭銀字劍伯甯都人楊廷麟之次贛州也以銀署兵備僉事楊獨一子纔九歲屬之於汀州故人明年軍潰其僕自汀負之以歸於彭及贛州破楊死之有司捕迹家屬知楊氏孤匿其所遂欲併殺銀銀客有羅牧者并日走南昌求救於楊之門人吳某薙髮往見到門不納牧大怒徑還以報銀知其不可倚乃以楊氏孤兒避之隣邑廣昌深山申久之事漸得解復迎孤歸甯都既贛郡諸邑破庚寅二月甯都圍急銀使其弟奉母及楊氏孤先出曰以母及此子累汝汝莫死死則負我遂訣而使家具二棺與

楊忠愍公遺集卷之六
婦李氏對宴宴畢夫婦皆縊卽夕成殮明日城破楊氏孤
兒旋爲兵所掠流寓彭士望者聞而出貲爲贖歸居數年
孤乃返清江生子楊之後得不絕

魏和公彭節愍傳彭錕字劍伯丙戌間以諸生從清江楊
文正公廷麟起義題授職方員外錕家居清江之僕負公
幼子至以屬錕錕命妻李氏撫之庚寅春郡兵大舉攻甯
圍城數匝錕命家人趣治具夜召親戚故人飲酒酒半錕
停杯謂客曰城必破吾義不可辱行與諸君訣矣坐上皆
揮涕不能言錕笑曰吾以諸生受國恩死其分也獨恨有
老母不能終養又牽率清江之孤至於此因顧左右取筆

研折簡易堂諸子曰清江公不以錕不肖而屬茲藐孤錕
死不足道脫孤得活終當累諸君子遂投筆起揮手謝客
曰諸君且別客逡巡屏門外錕乃索冠帶熱燭於庭呼婦
出則冠帔儼然矣俱北面五拜三叩首各就東西偏引繩
自經死先是圍未合錕命弟將母次第出城避去錕獨畱
死或謂錕曰聞諸道路降卽不死矣君慎無遽死錕不聽
城旣破清江孤掠於兵於是易堂彭士望賣衣裝贖之居
數年孤乃返清江生子清江公之世得不絕

魏髯公贈彭劍伯詩高爵難榮七尺軀雙江立殉始云
瓊瑤字血呼吾友弓冶文心恃此孤嘗備貲糧甯得儉密

圖翰止竇多劬一時知己觀顏色爲報成功趙大夫序云
梅川彭劔伯錕予初未識其人戊子夏至劔伯家揖楊機
部老相國公子致相存之意知公子無恙皆劔伯力因得
觀相國寄託手書歎息久之或攘以爲己功謬也
魏和公同易堂與徐巨源晝足下里人彭躬菴流寓敝地
當城破劔伯死時清江孤旣陷傾衣裝贖之家爲之落歸
則分食以食孤有過爲稱清江公以激厲之則涕下不能
止弟輩相謂清江孤天下人之孤也奈何獨累躬菴躬菴
曰清江公知我厚自通籍來未嘗以後進遇我我不舉火
乃當煩諸子耳躬菴身無在耳之言艱難立義似亦流俗

所難然古人謂士之當爲不止此躬菴恥於言義弟輩亦
恥爲躬菴屑屑道此茲因尊傳及其事故并一道之節錄
魏叔子彭母朱宜人墓誌乙酉辟地甯都會甯都土人大
亂躬菴應機部公召護軍西行宜人與其妾劉氏及朱氏
女畱東村舉室病卧宜人或自斯薪行汲雪涕躬炊飯未
嘗愠恨庚寅甯都城破機部公遺孤璫掠於兵時躬菴他
出聞兵人索高貲馳信語宜人傾貲裝以應宜人命女復
書云如此豈惜財物所有衣飾惟祖母金指環一雙未忍
棄餘盡以贖楊公子節錄

樂府詩集卷之六
昔文以此豈辭相得自亦前計厥對金世雖一覽未
出則其人素高貴歸言歸宜入爾貴楚以鳳宜人命文
曾謝則與實爾暗姓斯歸猶公後不謝然其初則查此
文爾東林舉定必相宜人知自漢漢行野雲斯浪地相未
廣浪蘇凱蘇潛公巨歸軍南計宜入與其妻隨凡文未及
歸妹于遠母未宜人墓蓋丁酉朝此寶爾會爾借土人大
源為浪蘇爾蘇並此茲因尊爾又其專姓共一豈之
祖鑿然古人爾士之當為不也此浪蘇爾然言美其

古來忠義之士其大節震鑠古今往往而在特未必皆長
於文即能文矣或身沒不以著作傳幸有人焉搜輯刊雕
以示吉光片羽之珍宜乎可以傳矣不數世而集又散佚
其與不傳者相去幾何吾慨古人之集淹沒於後世為不
少也楊忠節為明末偉人大節與練公後先相輝映立身
本末載在史傳故不具述是集也初刻於門人金初允再
刻於哲嗣仁叔暨金川胡麟兆歷年既久傳本遂微咸豐
末邑人士蒐羅掇拾將所獲古文制義及諸家傳記憑弔
之作都為一集輯而藏之同治丙寅始為排字板印然印

行不多故海內尙少傳本今諸君捐貲而刊刻之適覓得
乾隆間楊勤慈公原刻忠節制義補編入集並壽棗梨此
固鄉後學所有事亦守斯土者樂觀其成也夫德行本也
文藝末也士君子大節無虧不習詞翰亦不失爲完人况
忠節詩文沈鬱蒼勁兼長如是後之讀是集者必能感發
奮興起頑懦於不能自己然則諸君刊刻斯集之功裨益
於人心世教豈淺鮮哉予旣欽忠節之亮節并以嘉諸君
嚮義之殷爰自忘譎陋謹舉手而誌數語於後
光緒六年歲在上章執徐孟陬之月同知銜權知清江縣
事錢唐汪綬之謹跋

